

*bosansko-hercegovački magazin*

# EUROPOA

februar 2014

**Zemlja-slučaj:**

**Političari koče BiH, bez napretka ka EU**

**Siromašni narod i bogate vođe**

**BiH neće doživjeti sudbinu Jugoslavije**

**Gračanica kao bosanski Milano**



ISSN 1939-3423

# **ADVOKATSKA KANCELARIJA**

## **Aleksandra H. Bronsted, PC**

*Attorney at Law*



**Aleksandra H. Bronsted**

**Osobne ozljede zadobivene:**

**Na radu/Workers' compensation**

**U saobraćajnim nesrećama/automobile accidents**

**Pri padu/slip and fall**

**Korišćenjem neispravnih proizvoda/product liability**

**Medicinske greške/medical malpractice**

**6065 Lake Forrest Dr.**  
**Suite 200**  
**Atlanta, GA 30328**



**Porodično pravo/Divorce**

**Krivično pravo/Criminal Law**

**D.U.I**

**Phone: (770) 451-3818 • Fax: (770) 451-3922**

*Prvi advokat u Atlanti sa kojim možete razgovarati na Vašem jeziku!*

## U ovom broju:

### 4 Komentar

Na daljinsko upravljanje

### 8 BiH:

Skandalima u predizbornu kampanju

### 16 Bh. mirovnjaci –

Pomaganje čast i obaveza

### 20 Intervju:

BiH neće doživjeti sudbinu Jugoslavije

### 28 Društvo:

Spomenicima obilježena teritorija

### 32 Nauka

### 34 Automobili

### 36 Film

### 38 Sport

Bakir Tiro:

Džumhurov uspjeh je senzacionalan

### 40 Porodica

### 40 Zabava

### 46 Oglasi



**Maxo & Associates, LLC**  
*Vrijeme za takse 2013*  
**HIDO MAKSUMIC**  
Dipl. Accountant

Personal & Corporate Taxes,  
Bookkeeping, Professional Consulting

Cell: 404.429.6379  
E-mail: h\_maksumic@yahoo.com

155 Gwinnett Dr, Suite D-2A, Lawrenceville, GA 30046



**www.bosnianyellowpages.us**

jedna web stranica za sve vaše potrebe

**FOREIGN LANGUAGE SERVICES LLC**

**Vesna Galtere**

**OVLAŠTENI SUDSKI TUMAČ ZA BOSANSKI I HRVATSKI  
JEZIK**

usluge prevodjenja na sudu, kod liječnika i dr.  
ovjereni prijevodi dokumenata: vjenčani, rodni list i sl.

**Registered and Licensed Court Interpreter  
for Bosnian and Croatian language**

Cell: 404-735-4383

Fax: 480-247-4567

vgaltere@gmail.com

vgaltere@foreignlanguageservices.net

Europa Magazine je partner Hayat TV-a za područje Sjeverne Amerike. Nudimo nevjerovatne cijene oglašavanja na najgledanijem satelitskom programu Hayat PLUS. Kontaktirajte nas putem telefona 678 743 5731 ili mailom na redakcija@europamagazine.info. Uvjerite se i sami da je reklamiranje na televiziji pristupačnije nego što mislite!



tel.: + 387 33 580 900

fax: + 387 33 580 909

prodaja@hayat.ba

www.hayat.ba

# Na daljinsko upravljanje

**O**d slijetanja u Sarajevo prije nekoliko dana, čak i lokalne novine – koje bi po prirodi svoje misije morale biti radoznale za zbivanja u svom gradu i državi; dnevno pokazivati šta je bitno i relevantno; nastojati da o tome saznaju i ponude više od drugih medija – odaju utisak potpune ravnodušnosti čak i za ideju približavanja Bosne i Hercegovine Evropskoj Uniji. Simptomi te apatije?

Nekoliko zaista fascinantnih pobjeda bosanskohercegovačkog teniser Damira Džumhura u početnim fazama Australian Opena i nagovještaji da bi on mogao u zvaničnim rangiranjima napredovati i među „stotinu najboljih na svijetu“ dobili su više medijske pažnje nego sasvim realna mogućnost da zbog demonstracija moći i nepromišljenog pokušaja smjenjivanja federalnog ministra finansija neće biti nikoga ovlašćenog da potpiše penzije i invalidnine; najnoviji primjer kako se BiH i njeni susjedi kreću u suprotnom smjeru u odnosu na projekt pridruženja Evropi – u kojem praktično u istom danu Evropski parlament izražava „duboku zabrinutost zbog daljeg odsustva zajedničke vizije političkih vođa tri etničke zajednice“ u Bosni i Hercegovini dok Srbija proslavlja zvanično otvaranje pregovora o proširenju – nije izazvao nikakvo novo i produbljenije preispitivanje kompetentnosti aktuelnog političkog vodstva za obavljanje poslova koji su mu povjereni; a kao novinar najporazniji znak apatije vidio sam u tome da ozbiljan dnevni list o najnovijoj rundi pregovora o provođenju presuda Evropskog suda za ljudska prava u „slučaju Sejdić-Finci“ u samom Sarajevu prepusti izvještavanje federalnoj novinskoj agenciji Fena ne pokazujući ni najmanju radoznalost da sazna i pokaže čitaocu šta se događalo na tom maratonskom sastanku iza zatvorenih vrata.

To su, ipak, tek najvidljivije površne manifestacije katastrofalnog stanja na aktuelnoj bosanskohercegovačkoj političkoj sceni.

Mnogi su kritičari i analitičari, recimo, povlačeći i podrugljiva poređenja sada već višemjesečnih sastanaka prvaka bosanskohercegovačkih parlamentarnih stranaka sa predratnim

sastancima predsjednika jugoslovenskih republika, insistirali kako je krajnje vrijeme da se rasprava i odlučivanje o ispunjavanju uslova za povratak na put euroatlantskih integracija vrati u državni parlament.

Predlozi amandmana na Ustav, kojima bi se mogla ispuniti obaveza iz presude Suda za ljudska prava i najzad deblokirati put prema Evropi, ponuđeni su Predstavničkom i Domu naroda Parlamentarne skupštine Bosne i Hercegovine. Ishod je – kao i na svim dosadašnjim sastancima stranačkih prvaka u mijenjajućim ambijentima Brisela, Budimpešte, Praga, Sarajeva ... – bio ravan nuli. Poslanici su se, naime, pokazali kao dosljedni partijski ljudi bez i najmanje želje da se projektuju kao samostalno misleće ličnosti: gotovo bez izuzetka su se izjašnjavali kako će se oni lako složiti kad se i ako se složte njihove vođe.

Pri tome su – kao i vođe – pokazali kako i povodom evropskog uslova za ravnopravnost svih građana u izbornom procesu svi oni savršeno znaju šta neće i ni približno toliko šta zapravo hoće. Tako stranke hrvatskog bloka, čiji je najistureniji glasnogovornik i na sastancima pod evropskim posredovanjem i pred domaćom javnošću predsjednik HDZBiH Dragan Čović, u raspravi o provođenju presude u „slučaju Sejdić-Finci“ insistiraju kako neće dozvoliti da ubuduće „drugi bi-



raju predstavnike hrvatskog naroda“; bošnjački predstavnici jednodušni su u poruci kako neće dozvoliti dalje podjele i teritorijalizaciju takozvanog hrvatskog pitanja na način koji bi vodio stvaranju trećeg entiteta ali neki od njih u kopromisima idu i tako daleko da bi pristali na „posredni izbor“ članova Predsjedništva u Parlamentu (a kako poslanici pokazuju da su pod totalnom kontrolom svojih vođa to bi vodilo

„izboru“ Predsjedništva na daljinsko upravljanje); vladajuća partija u Republici Srpskoj insistira kako je riječ o federalnom problemu i odbija da učestvuje u njegovom rješavanju.

Poštovani čitalac može sada pitati: pa, nisu li po prirodi stvari poslanici obavezni da slijede politiku partija koje su ih izabrale? Možda, ali ne i po cijenu blokade institucija u koje su birani da bi one obavljale svoju ustavnu ulogu. Postoji o tome svjež primjer s američkim Kongresom: u njegovom Predstav-

ničkom domu na prošlim izborima je krajnje konzervativno krilo Republikanske stranke dobilo značajnu prevagu i svojim zahtjevima za ukidanje „Obaminog“ zakona o zdravstvenoj zaštiti i za kresanje socijalnih davanja u američkom budžetu dovelo je i do privremene blokade vladinih institucija ali kad je trebalo glasati ili za novi budžet – koji nije udovoljavao njihovim zahtjevima – ili za blokadu vlade ubjedljiva većina glasala je za budžet nezavisno od „sve-ili-ništa“ diktata svoje baze. Predsjedavajući Predstavničkog doma, i sam republikanac i konezrvativac, rekao je o njima: „Vjerujem da su oni izgubili svaki kredibilitet“. Bosanskim partijskim vođama to nema ko da kaže.

Kemal Kurspahić  
Radio Slobodna Evropa



**REALTY PROFESSIONALS**  
Buying - Selling - Leasing  
Residential - Comercial  
**Armín Mehmedović**  
**BROKER - ASSOCIATE**  
Direct: 404-512-0509  
E-mail: arminsellsatlanta@yahoo.com



**DMS** **Dino Multi-Services**  
PREVODI, NOTARSKI I  
ADMINISTRATIVNI POSLOVI

**Pružamo usluge:**

- Notara, Apostille (međunarodna nadovjera dokumenta)
- prevoda i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

**CENTAR ZA MALU PRIVREDU**  
NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.  
LAWRENCEVILLE, GA 30043  
E-MAIL: DKRGO@BELLSOUTH.NET

**tel.(678)429-4353**

KRGO DINO

**LERO TRAVEL**  
Phone 404-660-0910  
Enver Šejtanić




1405 Wheatfield Drive  
Lawrenceville, GA 30043  
enver@lerotravel.com  
Save money Book online  
**www.lerotravel.com**

**JEFTINE AVIONSKE KARTE LLC**  
Samo Ptice Lete Jeftinije



**Jazmir Bešlija**  
owner

336 Springhaven Rd,  
Lawrenceville, GA 30046  
Tel 770.963.9684 ili 770.963.9685  
Fax 888.404.8088  
TravelBiH@Hotmail.com  
www.TravelBiH.com




**PRIMERICA**

What could you do with an extra \$478 annually?\*

That's how much the average client saves on their auto and homeowner's insurance through Primerica Secure™!

Call Primerica representative Adisa at (678) 697-8497 to learn more today

\*Savings not typical. The average client saves as much as \$478 annually on their auto insurance. The average savings amount is based on a survey of insurance premium information provided by 567 purchasers of insurance from Answer Financial between January 1, 2009, and March 31, 2009



**PRIMERICA**

**Achieve Your Potential.**

We empower people to achieve their dreams!  
At Primerica, we show people how to build a business by teaching families about finances. You can work at your own pace, and earn the income you deserve!

For more information, call Adisa (678) 697-8497

# Zemlja-slučaj: Političari koče BiH, bez napretka ka EU

I dok je Srbija i formalno počela pregovore sa Evropskom unijom, o Bosni i Hercegovini se i dalje u evropskim krugovima razgovara kao o slučaju, nakon čega se usvajaju rezolucije ili izvještaji. Takav jedan je usvojio Komitet Vanjskopolitičkog odbora Evropskog parlamenta, na koji je podneseno 116 amandmana koji se, uglavnom, odnose da treba provesti presudu Sejdić-Finci, ali i da se Evropska unija treba jače angažovati u BiH.

U Komitetu za vanjske poslove Evropskog parlamenta u Briselu su se prebrojavali glasovi kojima je usvojen izvještaj o BiH u kojem se navodi da nema napretka, da se EU treba više angažirati na rješavanju problema u zemlji, te da je Dayton nefunkcionalan. Pozvali su bh. vlasti na sveobuhvatnu promjenu Ustava po ko zna koji put.

I dok se o Bosni i Hercegovini raspravljalo kao o slučaju, Srbija je u svečarskoj atmosferi obilježila početak pregovora sa EU. To je lekcija za bh. političare - kako kompromis vodi napretku, kaže analitičar Udruženja za društvena dešavanja SOS Srećko Latal.

„To ne zahvaljujući leđi Ešton, nego zahvaljujući evoluciji razmišljanja i politike kako u Beogradu tako i u Prištini.



Oni su shvatili da se životni standardi, napredovanje, modernizacija zemlje mogu desiti samo kroz kompromis. A u isto vrijeme, u BiH se i dalje zadržavaju sitnošćarske i dnevno-političke igre i igrice“, ističe Latal.

***U BiH, umjesto kompromisa, vlada isključivost. Ista priča, a akteri različiti.***

„Neke stvari jednostavno neće moći, pa makar ostalo ovako dok ne dođu neki bolji, pametniji, a takvih je puna ova

zemlja, umjesto nas i naprave nešto drugo“, kaže predsjednik SDP BiH Zlatko Lagumdžija.

## *Od lidera do pacijenta*

Za BiH pokazala se nepremostivom preporuka dozvoliti da biraju i mogu biti birani svi građani bez obzira na etničku ili vjersku pripadnost. Godine insistiranja i pritisaka visokih zvaničnika EU ništa nisu promijenili. Svu apsurdnost rasprave o nečemu što je nazadno i necivilizacijski nedavno je komentarisao i profesor sa Fakulteta političkih nauka u Sarajevu Asim Mujkić:

„Još vi pregovarate sa tim političarima, kojima je to, izgleda, nešto sasvim prihvatljivo: 'Eto, molim vas, ako možete ikako da...' Za mene je to bestidno.“

Za razliku od Hrvatske ili Srbije, koje su odlučne u raskidanju veza s tajkunima povezanim sa sumnjivim radnjama i političarima, u BiH je ta povezanost gotovo prirodna. Uprkos brojnim optužbama, niko od visoko pozicioniranih političara ne odgovara, korupcijske afere gase se jednako brzo kao što se otkriju. Građani žele promjene, ali političari neće navela je izvjestiteljica Evropskog parlamenta za BiH Doris Pak.

„Međutim, nažalost, izabrali su političare koji to ne žele. Ima problema u području pravosuđa, problem je korupcija u svim područjima“, rekla je Pak.

Zemlja se dovela u fazu da se razmatra prijedlog za suspenziju u Vijeću Evrope, označena je kao crna rupa, uskraćeno joj je 45 miliona eura iz IPA fondova. Od lidera EU integracija postala je pacijent na aparatima, kaže predsjednik Evropskog pokreta u BiH Predrag Praštalo:

„Mi smo prednjačili čak ispred Hrvatske, da ne govorimo o Srbiji ili Crnoj Gori. Da ne govorim da nas je i Kosovo već preteklo u mnogim oblastima procesa EU integracija. Sramota je da su bh. političari dozvolili da

samo od zemlje lidera u procesu evropskih integracija postali slučaj.“

Nefunkcionalna država povlači za sobom i nefunkcionalno pravosuđe. To je, opet, kočnica i za strane investitore, koji ne žele ulagati u pravno nesigurna područja. No, treba se radovati uspjehu susjeda, navodi Praštalo. U tome leži i nada da će građani vidjeti kako se na svega par sati udaljenosti dobro živi, pa će uraditi nešto da bi to bilo moguće i u BiH. Drugačije neće moći.

# Michael E. Carroll & Associates, LLC Attorneys At Law

**Michael E. Carroll, Esq.  
&  
Christopher S. Walker, Esq.**



## **Radimo u oblastima:**

**Osobne povrede zadobivene:**

- \* Na radu  
Worker's compensation**
- \* U saobraćajnim nesrećama  
Car accident**
- \* Krivično pravo  
Criminal Law**
- \* Bankroti**
- \* DUI**

**Call:**

**Satellite Court  
2250 Satellite Boulevard, N.W.  
Suite 205  
Duluth, GA 30097**

**678-473-9472**

**Advokati s dugogodišnjim iskustvom u radu s osiguravajućim društvima, sada mogu svojim iskustvom pomoći u rješavanju Vašeg slučaja.**

**- PREVODILAC NA RASPOLAGANJU -**

# Skandalima u predizbornu kampanju

**U**ređenim društvima predizborna kampanja u pravilu počinje press-konferencijama, a u BiH, kao neuređenom društvu i državi bez presedana, 'najisplativije' je krenuti skandalom.

Neki događaj mora, barem asocijativno, označiti početak svake predizborne kampanje. Ako je, prema filozofiji takvog modela, odnosno posljednjim zbivanjima suditi, kampanja je uveliko otvorena.

Prvu "presicu" u bosanskohercegovačkom pakovanju otvorio je aktuelni predsjednik entiteta Federacija Bosne i Hercegovine Živko Budimir, smijenivši sa funkcije federalnog ministra financija Antu Krajinu. Da je njegov potez bio u klasičnoj funkciji budućeg predizbornog nastupa ne može biti nikakve sumnje. Uostalom, "krivica" Krajine je, ako se o njoj ne samo iz perspektive tehničkih detalja uopće može govoriti, bila pre slab razlog da bi se za jednom takvom odlukom uopće moglo posegnuti.

Predsjednik Federacije BiH se ne predaje i oficirsko iskustvo mu ne dozvoljava da izgubljenu bitku shvati kao izgubljeni rat.

Naravno, otpor federalnog premijera Nermina Nikšića prema Budimiru je bio, također, predizborno motiviran. Predsjedniku Federacije je valjalo nanijeti poraz po svaku cijenu. Sudsko (privremeno) vraćanje Krajine na funkciju ministra financija je ozvaničilo premijerovu pobjedu, iako je za razrješenje blokade federalnog Ministarstva financija bilo i drugih opcija. Međutim, one pobjedu takve vrste ne bi osigurale Nikšiću, samim tim ni Socijaldemokratskoj partiji Bosne i Hercegovine, čiji je visoki dužnosnik, nego bi dodatno ojačali Budimira.

Predsjednik Federacije se, međutim, ne predaje. Oficirsko iskustvo mu ne dozvoljava da izgubljenu bitku shvati kao izgubljeni rat, zbog čega se potrudio da u javnost pošalje poruku "da se, kao legalista, slaže s odlukom Ustavnog suda Federacije, ali da slučaj Krajina nije okončan", što u slobodnom prevodu znači da nastavak konfrontacija slijedi, ali da će one, također, biti u funkciji predizbornih okršaja.

## *Svađa - zagrljaj, pa opet...*

Bura u vezi s Krajinom nije se ni stišala, a već imamo novi sukob, ovoga puta između Saveza za bolju budućnost Bosne i Hercegovine i SDP-a, ili, preciznije, između dva stranačka lidera - Fahrudina Radončića i Zlatka Lagumdžije. Ostali predstavljaju podršku, logistiku, navijače, potrošni materijal... Da će SDP u predstojećoj kampanji osuti paljbu prema SBB-u, Stranci demokratske akcije, svojim političkim protivnicima, to je činjenica u koju ne može biti sumnje, ali će to činiti znatno

suptilnije i sigurno ne na tako vidljiv način, koji podrazumijeva objavljena elektronska komunikacija.

Privremeno zakopane "ratne sjekire" na toj relaciji već su izvađene, zbog čega federalna Vlada više nije jedini kolektiv čiji sastav ne odgovara parlamentarnim većinama i koalicionim partnerstvima. Vijeće ministara Bosne i Hercegovine predstavlja puno složeniji problem. Što se tiče SDP-ovih uputa, koje su navodno odaslane iz centrale ove stranke, takvu vrstu rabote treba uzeti s rezervom, zbog čega bi analitička opreznost u ovom slučaju morala biti puno izraženija.

U ovakvim okolnostima, u kojima manipulacija postaje jedino sredstvo političkog djelovanja, nema neprivrednih koaliciona.

Ono što je u cijelom slučaju najtužnije jeste činjenica da bi "tajni dokument" sa SDP-ovim memorandumom suštinski mogao biti i jeste bezmalo program svih političkih stranaka u zemlji, jer niti jedna kampanja sigurno neće zaobići diskreditaciju drugih, osjeti li da bi mu takva vrsta djelovanja mogla ugroziti izborni rezultat. Jedino pravilo koje se u toj predizbornoj utakmici uspjelo očuvati i koje mahom svi poštuju jeste da su sva sredstva dozvoljena. U prevodu, rat između najlučih protivnika može se okončati ukoliko to bude u obo-



stranom interesu.

Ako je zagrljaj Radončića i Lagumdžije uslijedio nakon desetogodišnjeg rata, zbog čega bi primirje kao mogućnost bilo isključeno nakon ratnih operacija od svega nekoliko dana. U ovakvim okolnostima, hobsovski rečeno "vučijih odnosa", u kojima manipulacija postaje jedino sredstvo političkog djelovanja, nema neprivrednih koaliciona. Sve koalicije su, naprotiv, prirodne.

## *Samo mi primanja ne diraj*

Ono što se u samim začetima žestokim nagovještajima predizborne kampanje može prepoznati kao zajedničko jeste dodatno ojačavanje ionako najfrekventnijeg pojma političkog vokabulara, koji je sadržan u sintagmi politička kriza. Svi ak-



**SUNNE LAW**  
Tough Advocacy & Compassionate Counseling

**Call for a free Workers'  
Compensation case  
evaluation.**

**Nazovite za besplatnu  
konsultaciju. Nakon razgovora  
bit ćete sigurni da sarađujete  
sa najboljim advokatom u  
Džordžiji**

**After talking to Celia Sunne,  
you will be confident that you  
hired the Best Attorney in  
Georgia.**

**404-240-0975**

**651 Dallas Street, NE, Suite B, Atlanta, GA 30308**

**InjuryLawyerAtlanta.net**



**Sunne Law has been representing  
the Injured Worker for  
over 24 years.**

**Sunne Law radi u oblasti povreda  
na poslu preko 24 godine**

teri kampanje, bez izuzetka zainteresirani za ulazak u vlast, svjesni su da su prijatne političkom krizom najpodesniji način zastrašivanja glasača, mada svi, bez izuzetka, dobro znaju da je upravo kriza nerazoriva konstanta, koja nepokolebljivo odolijeva svim mogućim nasrtajima, koji bi je eventualno transformirali u stanje socijalne stabilnosti, da ne kažemo blagostanja.

U ovako osmišljenom konceptu vlasti, koji unedogled proširuje samo prostor manipulacije, politička kriza, ma koliko to izgledalo apsurdno, predstavlja najpoželjniji okvir za političko djelovanje. To je stanje koje akterima političke zbilje u potpunosti odgovara. Veliko je pitanje da li bi oni koji vrše vlast uopće znali i mogli djelovati u normalnim prilikama u jednom uređenom sistemu. Najlogičniji odgovor je da ne bi.

Građani nisu u drugom planu? Naprotiv, oni su van svakog plana. Oni, zapravo, ne postoje.

Uistinu je teško i zamisliti da bi neko, ko po osnovu obavljanja političke funkcije prima platu, uzgredno primajući još jednu po osnovu članstva u upravnom odboru kakve lustrativne firme, te još jednu zbog njegove ekspertne nezaobilaznosti u radu komisija, da druge povlastice i ne spominjemo, mogao preživjeti eventualno reduciranje prihoda koji bi bio sveden na jednu platu. Takvu promjenu bi većina ovdašnjih političara sigurno doživjela kao neku vrstu planetarne katastrofe. Zato je stanje krize najprihvatljiviji ambijent za njihovo političko djelovanje.

Potpuno se udaljavajući od politike, koja je, po svojoj definiciji, "vještina upravljanja državom", potrebe građana postaju irelevantan problem. Definirajući okolnosti u kojima se godinama odigravaju ovakve utakmice, analitičari političkih prilika prave kardinalnu identifikacijsku grešku, navodeći da

su građani u drugom planu. Potpuni promašaj. Građani nisu u drugom planu? Naprotiv, oni su van svakog plana. Oni, zapravo, ne postoje.

#### *Zagrabi 'šakom i kapom'*

Međunarodna zajednica štiti ili se pokriva prožvakanom demagogijom da će dogovor prepustiti domaćim političarima, iako duboko svjesna, kao i domaći akteri, da je Dejtonski sporazum apsolutno nepodesan okvir za bilo kakve programe izgradnje stabilne države, niti je garancija njenog opstanka na historijskoj pozornici. Da jeste, jedna grupacija političkih stranaka već dvije decenije kao temeljni cilj sigurno ne bi u prvi plan stavljala zalaganje za očuvanje njene teritorijalne cjelovitosti i državno-pravnog suvereniteta, druga glasače ne bi šarmirala obećanjima da će, jačajući entitetsku poziciju, dobiti samostalnu državu, a treća obećanjima da će se borbom za novo teritorijalno parče izboriti za vlastitu jednakopravnost.

Istina, na političkoj sceni je prisutna i četvrta grupacija, kao svojevrsna alternativa dejtonskom konceptu vlasti, ali samo u predizborno vrijeme. Čim se završe izbori ona se neobično brzo adaptira na postojeća pravila igre. Treba li posebno obrazlagati toliko očiglednu istinu da bi i jedna i druga i treća, pa čak i četvrta agitacija, predstavljale čistu besmislicu u uvjetima neupitnosti države. Međutim, kako se ona unedogled samo perpetuira, očito je da je njena neupitnost najupitnija.

U uvjetima odsustva čvrstih garancija i opće nesigurnosti domaći politički akteri koriste vrijeme na njima primjeren način, nemilosrdno grabeći "i šakom i kapom", držeći da će na taj način preduprijeti sva moguća iznenađenja, pa čak i nestanak same države.

*Piše: Enes Ratkušić*

# Siromašan narod i bogate vođe ili šta treba da se desi da bi narod shvatio

**U**organizovanim nacionalno-plemanskim zajednicama kakve su u Bosni i Hercegovini svi glasaju samo za svoje. Ne interesuju ih konkretni programi, profesionalni i moralni profil čovjeka za kojeg glasaju. Svoj glas iznova daju vjerujući u uopštena i nerealna obećanja stranaka i njihovih lidera, koja su često svedena na pitanja nacionalne ugroženosti i nacionalnog opstanka.

Čovjek se ne rađa svojom voljom. Ne bira svoje roditelje, naciju, vjeru i zemlju. Sve drugo tokom života uvjetovano je njegovom sposobnošću da u nasljeđenim okolnostima, izgrađujući svoju ličnost, gradi odnose s drugim ljudima. To je veoma složen zadatak u ovom području opterećenom istorijskim nasljeđem i svakodnevnim, politički potenciranim, nacionalnim i vjerskim tenzijama.

## *Gdje nas je doveo pogrešan izbor političara*

Država Bosna i Hercegovina, ovakva kakva jeste, nastala je 1995. godine kao rezultat određenih političkih i drugih odnosa i okolnosti koje su vladale unutar nje i između nje i susjednih zemalja. Na nastanak takve Bosne i Hercegovine veoma su uticali zahtjevi međunarodne zajednice ali i odnosi u njoj. Bosna i Hercegovina, koja ima 3,5 miliona stanovnika i u kojoj žive tri naroda – Bošnjaci, Srbi i Hrvati – zemlja je izuzetnih prirodnih ljepota i raznovrsnih kultura s prirodnim potencijalima za razvoj raznih djelatnosti. Te prednosti ne mogu doći do izražaja zbog međunacionalne napetosti potencirane političkim igrama među strankama koje su na političkoj sceni. Bilo da su na vlasti ili u opoziciji, gotovo sve stranke pozivaju se na zaštitu vitalnih nacionalnih interesa, a pritom ili negiraju, ili zaboravljaju državu u kojoj žive.

Nacionalno pitanje, kao ključno pitanje, na ovom prostoru nikad tokom istorije nije na adekvatan način riješeno. Nije riješeno ni danas unutar novoformiranih država. To pitanje je u našoj državi mnogo složenije nego u državama u okruženju.

Richard Holbrooke, kreator ovakve državne tvorevine, pred smrt je izjavio da mu je koncepcija Bosne i Hercegovine, koja je prihvaćena i zaživjela, najveća greška u karijeri. Od rata do danas lideri sva tri naroda zloupotrebljavaju sve što je moguće i što proističe iz potpisanog sporazuma, a što nas je dovelo na dno ljestvice u Evropi po gotovo svim pokazateljima o kvalitetu života, i na vrh ljestvice po negativnim pojavama (kriminal, korupcija, siva ekonomija itd.).

Osim lidera stranaka, ovakvom stanju doprinose i mnogi predstavnici međunarodnih organizacija, ali i obični građani. Svi su nezadovoljni postojećim stanjem, ali niko sebe ne smatra odgovornim. Istorija neće dozvoliti da ostane bez odgovora na pitanja: ko je birao vlast, stranke i njihove lidere koji se nisu u stanju ni o čemu dogovoriti? Ko podliježe pritiscima, ko pristaje na ucjene, ko vjeruje u ista lažna obećanja istih ljudi, ko nasjeda na iste priče o krivici onih drugih, i na tvrdnje da je sve to radi vitalnih nacionalnih interesa? U nedostatku znanja i volje, stranački lideri koriste moć i vlast da se raznim improvizacijama i potenciranjem nacionalne ugroženosti

dobrodođu biračkom tijelu. Ta strategija je do sada uspijevala. U vremenu velike ekonomske krize i burnih političkih događaja na svjetskoj sceni, ipak nećemo moći negirati da je porazna slika naše stvarnosti u velikoj mjeri rezultat izborne volje građana ove zemlje.

## *Živimo s lažnom percepcijom o sebi i drugima*

Iz razgovora o ovim temama s ljudima raznih nacionalnosti, vjera, obrazovanja i starosti, zaključio sam da kod većine naših ljudi

emocije potiskuju razum. Ta isključivost ih dovodi do nerealne percepcije o sebi, svom nacionalnom biću i njegovoj ulozi u savremenim svjetskim tokovima. Razumno nastupanje u takvim okolnostima ne nailazi na prihvatanje. Pritom se sve što nije u skladu s njihovim gledanjem proglašava zavjerom protiv njih.

U našoj istoriji mnogo je događaja, pojava i pitanja ostalo bez pravih odgovora. Mnoga pitanja iz prošlosti do danas





**ST. LOUIS, MO 314-338-5156**

## ***Slanje paketa U.S.A.-BiH***

**Pakete dostavljamo direktno na kućne  
adrese u Bosni i Hercegovini**

**EMC Cargo St. Louis Vam omogućava  
najjednostavniji, najjeftiniji i najsigurniji  
način dostave svih vrsta pošiljki:  
(paketa, putnih torbi, robe na paletama) u BiH.**

**\$ 99.00 po paketu/torbi  
bez obzira na težinu, uključujući i  
dostavu na kućnu adresu !!!**

**EMC Cargo St. Louis  
Transport paketa iz U.S.A.  
na kućne adrese u BiH**

**314-338-5156**

nisu na pravi način objašnjena, pa živimo s lažnom percepcijom o sebi i drugima. Jedno od ključnih pitanja jeste naše shvatanje slobode, razuma, pravde i tolerancije među ljudima raznih nacija i vjera. Naše društvo ne uvažava činjenicu da apsolutne slobode nema. U svakom uređenom društvu sloboda pojedinca ograničena je slobodom drugih ljudi i nju ne smijemo svojom slobodom ugrožavati.

### *Vratili smo se nekoliko stotina godina unatrag*

U vremenu sumnjivih vrijednosti u kojem živimo, teško je graditi dobre međuljudske odnose među ljudima raznih vjera i nacija. U mnogim našim sredinama izražen je vjerski i nacionalni ekstremizam koji se odražava u svim sferama svakodnevnog života. Vratili smo se nekoliko stotina godina unatrag. Nacionalna, vjerska i plemenska mržnja na razne se načine sugerira mladim generacijama. O tome se malo priča i malo piše. Opasne posljedice toga ostavit ćemo u naslijeđe budućim generacijama.

U ovako organiziranim nacionalno-plemanskim zajednicama svi glasaju samo za svoje. Ne interesira ih konkretan program, profesionalni i moralni profil čovjeka za kojeg glasaju. Svoj glas daju iznova vjerujući u uopćena i nerealna obećanja stranaka i njihovih lidera, koja su često svedena na pitanja nacionalne ugroženosti i nacionalnog opstanka.

Ništa u ovoj državi od opštinske, preko entitetske do državne vlasti ne funkcionira ni pojedinačno, a ni kao cjelina. Na državnom nivou sklapaju se neprirodne i neshvatljive koalicije s ciljem ličnog i stranačkog interesa, a pod maskom borbe za vitalne interese jednog, drugog ili trećeg naroda. Državne institucije su prebukirane stranačkim kadrovima od kojih mnogi nisu kvalificirani za te funkcije i ne znaju šta trebaju raditi. Za njih se na državnom nivou troše ogromna sredstva. Oni nikome ne odgovaraju za svoj neodgovoran i veoma dobro plaćen rad. Jednom izabrani, stječu privilegije bez obaveza, odgovornosti i sankcija. Jedina odgovornost im je pred vlastitim stranačkim vođama. Uzor ovakvom ponašanju su politički lideri. Kao da se dogovaraju kako da se ne dogovore, oni se godinama na raznim mjestima sastaju razmatrajući razne probleme. Dogovora i iskrene volje za saradnju nema, problemi ostaju, a svaki od njih opravdanje za sebe i za svoj stav nalazi pred svojim biračima. Ignorišući okolnosti u kojima živimo, oni se ponašaju kao da rješavaju probleme u zemlji blagostanja.

Kad se tome doda ovakva primjena zakona, koji podrazumijevaju zakone stranačkih lidera putem institucija u kojima su njihovi kadrovi, s pravom se postavlja pitanje: kako da gradimo multietničko društvo u kojem vlada razum i tolerancija.

### *Do čega su dovele inscenirane međunacionalne tenzije*

U medijima svakodnevno slušamo proizvoljne ocjene naše stvarnosti, načine prevazilaženja postojećeg stanja kao i procjene naše budućnosti. Nedostaju im ozbiljne analize u svim sferama života i rada. Kad pokazatelja iz tih analiza nema, sve što se radi svodi se na improvizaciju. Umjesto ozbiljnog rada i analiziranja postojećeg stanja, "veliki" stranački lideri narod obmanjuju velikim idejama i projektima o državnosti i trećem entitetu.

Međutim, sve ima svoj kraj. Ubrzat će ga teška ekonomska situacija. Bliži se vrijeme kad će susjedi i svjetski moćnici, koji su Dejtonskim sporazumom garantirali mir, javno reći da sva tri naroda moraju naći rješenje za zajednički život unutar svoje države. S ovakvim stranačkim liderima, to će biti teško izvodljivo. Kenedijeva misao iz 1960-ih godina prošlog stoljeća prije ili kasnije morat će zaživjeti i na ovim prostorima. Svi ćemo morati početi razmišljati o tome šta mi možemo uraditi za državu, a ne samo o tome šta država može uraditi za nas.

### *O glasačkom apsurdu*

Kao i u cijeloj Bosni i Hercegovini, i u Republici Srpskoj se broj stanovnika konstantno smanjuje. Prema posljednjem popisu u RS-u živi 1,32 miliona stanovnika. Prognoze za narednih 30-40 godina su da će tu živjeti oko 500 hiljada ljudi. "Veliki", ovakvi kakvi jesu i ovako kako rade, krađu budućnost narodu i postepeno ga vode ka nestanku. U svim anketama mladi izjavljuju da žele otići. U praksi se to već svakodnevno dešava. Za to vrijeme, strankama i njihovim vođama novac siromašne mase omogućava lagodan život i apsolutnu slobodu. Istovremeno, tako apsolutno slobodne vođe doziraju slobodu masama. Tek kad građani shvate ovu apсурdnu situaciju i kad se zauvijek zahvale ovakvim liderima, moći će se nadati boljem. Nama je danas neophodan novi, mudriji, razumniji i realniji odnos



prema stvarnosti, životu i nama samima.

Od građana svakodnevno možete čuti velike primjedbe na vlastite vođe, a kad dođu izbori, oni ponovno biraju iste vođe i stranke. Iskren, pošten, savjestan i odgovoran čovjek u toj sredini nema šta tražiti. Njega svi ignoriraju. Vrijeme uvijek pokaže ko je i koliko bio upravn. To je slaba utjeha za mnoge ljude, jer su prošle godine u kojima su mnogo propatili i propustili.

### *O istorijskoj istini*

Istoriju su pisali pobjednici. U njoj imamo samo crnu i bijelu stranu. Crna je neprijateljska, a bijela je naša. O vlastitim slabostima niko ne govori. O sebi pišemo samo najljepše, pa generacije koje dolaze i uče formiraju pogrešnu sliku o pobjedniku iz nekog perioda. Svi dobronamjerni koji su pokušali na to ukazati nailazili su na nerazumijevanje i osudu sredine. U svim periodima naše istorije mnogo je takvih. Iстина je velik problem za sve, kako za vladajuću elitu tako i za obične

# Emina Travel



Agencija locirana u Jacksonville - Florida  
Vam i ove godine nudi najpovoljnije karte za sve destinacije svijeta

**Imamo letove po nevjerovatno povoljnim cijenama za  
Sarajevo, Zagreb, Beograd, kao i za druge gradove Europe**

Naši ugovori su sa avio kompanijama kao što su: Lufthansa, US Airways,  
Air France, Delta, United, Austrian Airlines, British Airways i mnoge druge

Sa nama možete dovesti familiju i prijatelje iz Bosne i Hrvatske,  
tj. cijele Europe i svijeta.

Karte se izdaju ovdje, a osobe koje lete podižu karte na aerodromu sa  
kojeg polijeću.

Također nudimo i osiguranja za dobivanje vize kao i osiguranja za karte,  
tj. putničko osiguranje "Travel Insurance".

**Nazovite nas i uvjerite se da smo najjeftiniji i najbolji!**

**Tel: 904-866-9893**



**facebook.com/eminatravel**

**E-mail: eminatravel@bellsouth.net**

SELLER OF TRAVEL REF. No. ST35868

Za više informacija uskenirajte ovaj  
kod Vašim pametnim telefonom:



ljude. Zbog istine su u prošlosti mnogi proganjani, knjige su spaljivane, mnogi su moćnici, pa čak i crkva mučili i ubijali. Istinu ne voli niko, ali će se jednog dana ona sama nametnuti. Dug je to proces, i samo slobodni, umni i hrabri ljudi mogu se nositi s njom. Stoga se danas s pravom postavlja pitanje: kako slobodan i uman čovjek treba djelovati u okolnostima biračko-stranačke ostrašćenosti i jednoulja? To je veoma teško, ili ne može djelovati gotovo nikako.

Pobjednička izmanipulirana istina opasna je za pobjednika, ali i za poraženog. Djeca sva tri naroda od malih se nogu uče svojoj istini, zavisno od toga kojem narodu pripadaju. Time se produbljuje jaz među narodima na ovom području.

novonastala država opstala svega dvadeset godina. O vladavini komunističke elite poslije Drugog svjetskog rata rečeno je mnogo tek nakon raspada bivše Jugoslavije.

### *Siromašan narod i bogate vođe*

Kako je moguće da iz rata iz kojeg je narod izašao siromašan vođe izađu bogate? Neki od njih javno izjavljuju da su osigurali sebe, djecu i unučiče. Oni su ponosni, ali se i narod ponosi njima. Ono čega se savjestan, ozbiljan i odgovoran čovjek stidi, time se oni ponose. Kad se uz "velike vođe" nađu još i crkveni velikodostojnici, teško onda narodu kojeg vode, a i svim drugim narodima.



U budućnosti nas tako izmanipulirana istina može odvesti u nove nesuglasice.

Proslave, kojima sam prisustvovao kod sva tri naroda, najbolji su primjer za to. Tad političari i vjerski dostojanstvenici drže govore i izgovore mnogo lošeg od drugima bez imalo stida i mjere. Utisak je još lošiji uz svu ikonografiju koja je prati, jer je sve u funkciji nacionalne ostrašćenosti.

Istorija nam govori da je običan čovjek, bez obzira na to jesu li njim vladali njegovi ili strani vlastodršci, uvijek teško živio. Učili smo o velikim vođama i njihovim osvajanjima, ali smo saznali veoma malo ili gotovo ništa o tome koliko je uz te vođe narod teško živio.

Samovolja i bahatost bila su osnovna obilježja vladavina vlastodržaca tokom historije. Tako je vladala vlastela u doba Nemanjića, tako su vladali knezovi u Srbiji poslije Prvog i Drugog srpskog ustanka, a ništa bolji položaj običnog čovjeka nije bio ni nakon Prvog svjetskog rata. Samovolju vladajuće elite u periodu Prvog srpskog ustanka veoma dobro su opisali Božidar Grujević i Protina Matija Nenadović. O toj je temi, poslije Prvog svjetskog rata, vojvoda Živojin Mišić u jednom razgovoru rekao da ono što je na političkoj sceni ne daje ozbiljnu perspektivu za budućnost države. Zato ne čudi što je

Narod nesvjestan svoje moći pristaje na prevare, na sitna davanja, obećanja i ucjene, a na kraju, kad to shvati, rezignirano konstatira da tu ništa nije mogao izmijeniti. On nije svjestan svoje uloge i zadatka, očekujući da se rješenje nametne samo. Narod je taj koji se mora organizovati, koji za vođe mora izabrati najbolje ljude iz svojih redova, pa se pokrenuti i provesti promjene. To će morati, ako ne danas, onda sutra ili za desetak godina.

### *Šta treba da se desi da bi narod shvatio*

Uvijek smo na ovim prostorima imali problem s vlašću, bila ona domaća ili strana. Čovjek, da bi opstao, bio je prisiljen da joj se dodvorava, da se odrekne svog prava i svoje slobode i tako iz stoljeća u stoljeće. Vođe su to obilatno koristile, što čine i danas.

Poslije rata, sva tri naroda su formirala svoju političku elitu. Politička elita je kreirala svoju ekonomsku elitu, koja je putem pljačkaške privatizacije za mizerne cijene kupovala sve što je valjalo i vrijedilo a što je narod godinama gradilo. To se odigralo pred očima naroda. Na taj način sve mu je oduzeto. Politička elita koju je on birao i koja i dalje ima njegovu ogromnu podršku odgovorna je za to. Šta treba da se desi da bi narod shvatio ko su oni i kuda ga vode?



# FASTV

NOVO HAYAT PAKET OD SAD NA FASTV!



za samo **\$20**

Mjesečno  
Uključujući takse!

+ 100 TV Kanala samo  
+ FREE HD BOX




ZOVITE FASTV I GLEDAJTE 100+ TV KANALA iz Balkana za samo \$20

# 1-866-639-8911

Address: 2320 Arthur Ave Bronx, NY 10458

Telephone: 1-866-639-8911

Website: www.FASTV.com

# Bh. mirovnjaci – pomaganje čast i obaveza

**U** mirovnim misijama je do sada sudjelovalo više od 800 bh. vojnika, te 208 policijskih službenika i službenica. Otkako su počeli krvavi nemiri u Južnom Sudanu, a Vijeće sigurnosti Ujedinjenih naroda pozvalo svoje članice na povećanje broja pripadnika mirovne misije u toj zemlji, prva koja je pohitala u pomoć bila je Bosna i Hercegovina.

“Bosna i Hercegovina sada ima 41 policajca u Južnom Sudanu, a uskoro se očekuje dolazak još 28”, navedeno je.

No, nisu samo bh. policajci i vojnici angažovani u jednoj od najmlađih afričkih država, opterećenoj krvavim sukobima, dio mirovnih misija, nego su pripadnici Oružanih snaga Bosne i Hercegovine i Ministarstva sigurnosti širom svijeta - od Etiopije i Eritreje do Konga i Afganistana, od Liberije i Kipra do Istočnog Timora i Haitija. U tim je misijama do sada sudjelovalo više od 800 bh. vojnika, te 208 policijskih službenika i službenica.

## Godinama u misijama

“Angažovanjem u mirovnim operacijama OSBiH ispunjava međunarodne obaveze i na taj način daje direktnu podršku u realiziranju operacija podrške miru, te jasno iskazuje opredjeljenje da kao odgovorna članica međunarodne zajednice želi i može dati adekvatan doprinos zajedničkim naporima za uspostavljanje i očuvanje mira i stabilnosti u svijetu”, kažu u Ministarstvu obrane Bosne i Hercegovine

Pripadnici OSBiH uključeni su u misiju ISAF u Afganistanu, gdje se u kontinuitetu nalaze posljednjih pet godina. Mandat jedne rotacije, koja broji 53 vojnika i časnika, angažovane na osiguranju kampa Bastion i očuvanju mira u Mazar-i-Sharifu, traje pola godine.

Prošle su godine bili pojačani i sa 26 vojnih policajaca, koji su, kako podsjećaju odgovorni, “od američkih partnera ocijenjeni kao izuzetno uspješni i s visokim ocjenama za iskazanu profesionalnost u izvršenju dodijeljenih zadataka”.

Bosna i Hercegovina je u mirovnoj misiji MONUSCO u Demokratskoj Republici Kongo još duže - posljednjih 12 godina - i tamo su angažovani naši vojnici. Do sada ih je godišnje miru pomagalo njih 55, a trenutno je u Kongu 12. rotacija od pet vojnih promatrača Ujedinjenih naroda pristiglih iz Bosne i Hercegovine.

Iz Ministarstva obrane još podsjećaju i na to kako je OSBiH prije devet godina u misiji “Iračka sloboda” bio angažovan na uništavanju neeksplozivnih ubojitih sredstava, pa je ukupno 288 pirotehničara u četiri godine, koliko su tamo bili, pronašlo i uništilo najmanje 350.000 komada različitog zaostalog oružja, mina i eksplozivnih naprava. Uprkos tako teškom i zahtijevnom poslu, tokom trajanja te misije nije bilo ozlijeđenih i poginulih bh. vojnika.

Osim njih, u Iraku je bilo i 49 pripadnika jedne pješačke



# NOW HIRING!

Over The Road Owners Operators & Company Drivers

## BEST WAY SERVICES, LLC

RECEIVE A \$500 BONUS  
AFTER 6 MONTHS OF EMPLOYMENT

1985 NW 94th St. Suite G, Clive, IA 50325  
5419 Gravois Ave, St. Louis, MO 63116

- \*Offering good rates
- \*Satisfactory safety rating
- \*Working with all major brokers
- \*Dedicated lane position available
- \*Team driving position available
- \*Fuel card
- \*Paid per mile or percentage
- \*24 hour emergency dispatch service available for drivers
- \*Help with IFTA filing



Also hiring experienced dispatcher for the St. Louis office.

For more information please contact Besim or Amela at:  
515.554.1711 or 515.276.0646

Senad i Sevleta Čamdžić

## Eurotel Agencija

PONOVO NAJBOLJI!

Dosta Vam je lažnih obećanja o niskim cijenama i kvalitetnom servisu-provjerite naš servis

13 godina rada sa samo jednim ciljem-zadovoljan korisnik

**POVOLJNE CIJENE!** **KVALITETAN SERVIS!**

Ako želite da zovete sa Vaših mobilnih telefona po istim cijenama kao i sa kućnog telefona, pozovite nas i taj servis će Vam biti aktiviran isti dan

717-245-8552

### NAJPOVOLJNIJE CIJENE!

<b>Bosna</b>	<b>samo 6.9 c/m!</b>
<b>Srbija</b>	<b>7.9 c/m</b>
<b>Hrvatska</b>	<b>samo 1 c/m!</b>
<b>Crna Gora</b>	<b>9.9 c/m</b>
<b>Makedonija</b>	<b>7.9 c/m</b>
<b>Zapadna Evropa</b>	<b>1 c/m</b>

**Zovi!**  
**Koristi!**  
**Uštedi!**



jedinice, koji su osiguravali dio vojne baze Victory u Bagdadu.

### I brojne žene u misijama

Iz Ministarstva sigurnosti posebno su ponosni na jedan podatak - od 208 pripadnika policije iz agencija za provedbu zakona u Bosni i Hercegovini, koliko ih je od 2000. godine angažovano u mirovnim misijama pod pokroviteljstvom UN-a (Liberija, Sudan - Južni Sudan, Kipar, Istočni Timor i Haiti), svaka sedma osoba na čuvanju mira bila je žena. Ukupno je 31 žena, odnosno 14,9 posto od ukupnog broja, bila angažirana u tim misijama, što je postotak veći od prosjeka država članica NATO-saveza i Europske unije.

“Sudjelovanje u mirovnim operacijama UN-a predstavlja izraz trajne opredijeljenosti čovječanstva za mir i opštu sigurnost. Operacije se realizuju angažovanjem policijskih i vojnih snaga, kao i civila na prostoru države gdje je narušen mir. Bosna i Hercegovina je opredijeljena za sudjelovanje policijskih službenika u mirovnim operacijama, što ujedno predstavlja i obvezu država članica UN-a”, navode u Ministarstvu sigurnosti.

Trenutno su policijski službenici i službenice angažovani u Liberiji i Kipru, njih po devetero, te u spomenutom Južnom Sudanu. U tim su misijama raspoređeni na različitim zadacima sve do najviših dužnosti, što je rezultat, kako navode njihovi šefovi u Sarajevu, “izrazito visoke profesionalne agnatičnosti u misiji”.

### Strateški i moralni razlozi

Humana i mirotvorna misija u kojoj se nalaze vojnici i policajci, odnosno policajke iz Bosne i Hercegovine, sasvim je opravdana i iz međunarodnopolitičkih i iz strateških, ali i iz moralnih razloga. Potvrđuje to i vojni analitičar Neven Kazazović.

“Za vrijeme rata i poslije rata međunarodna zajednica je u Bosnu i Hercegovinu ulagala značajna sredstva, ne samo materijalna i sad je normalno da Bosna i Hercegovina danas može ponuditi nešto i djelimično vratiti ono što je nekad ovdje uloženo. I to je i s ljudske i s moralne strane vrlo prihvatljivo”, kazuje Kazazović.

Dodaje i to kako “Bosna i Hercegovina time pokazuje da na vojnom i policijskom planu može da bude dio opšte, šire zajednice, u ovom slučaju zajednice naroda - UN”, što je po njemu “veliki plus”.

“Ne dobijamo taj plus samo zato što učestvujemo u tim misijama, nego i zato što naši ljudi stiču određena iskustva i vještine bora-veći u raznim sredinama, ali i raznim sistemima vojnog i policijskog djelovanja. Sve to može da bude samo veliki plus, uvijek to podržavam na svaki način”, dodaje Kazazović.

Podsjetio je i na to kako neka država ne mora biti, uvjetno rečeno, velika svjetska sila kako bi bila prisutna u sredinama pogođenim sukobima i pomogla tamošnjem stanovništvu u izgradnji i očuvanju mira.

“U jedinicama mirovne misije UN-a u Bosni i Hercegovini, policijskim i vojnim, učestovale su i zemlje koje sigurno nisu neke velike sile. Svoje predstavnike je za vrijeme rata i neposredno poslije njega u Bosni i Hercegovini imalo više od 30 evropskih zemalja - od Albanije do Estonije. Ovdje su svoje lju-

de imale i neke zemlje koje nisu evropske, poput Maroka ili Jordana. Dakle, ne vidim razloga da neko treba biti velika sila kako bi učestovao i dao doprinosa. Zato je vrlo dobro da Bosna i Hercegovina može da učestvuje na taj način u svjetskoj politici, odnosno svjetskim poslovima”, zaključio je Kazazović.

### Bez gubitaka

Uz najavljeni odlazak 28 policajaca i policajki u Južni Sudan planira se i mogućnost povećanja vojnog bh. kontingenta u Afganistanu. Najavljena je i mogućnost angažovanja u stabilizacijskoj misiji UN-a u Maliju (MINUSMA) s kontingentom do 10 oficira i vojnika koji će imati ulogu UN-ovih vojnih posmatrača.

“Sama činjenica da smo ponovo pozvani da proširimo naše angažovanje u operacijama potpore miru i mirovnim misijama UN-a je dokaz našeg profesionalizma, zapaženih rezultata i ugleda kojeg su država BiH i, prije svega, OSBiH stekle u međunarodnoj zajednici svih prethodnih godina”, poručuju iz Ministarstva obrane.

I ono što je, na kraju, najbitnije - pripadnici bh. vojske i policije, angažovani na trusnim područjima i postavljeni između dviju zaraćenih strana, do sada nisu imali ljudskih gubitaka, niti su bili ranjeni.

Dok svi pripadnici policijskog bh. kontingenta obavljaju civilne poslove i ne nose oružje, te su smješteni u objektima koji zadovoljavaju uvjete sigurnosti prebivališta po propisima UN-a, vojnici su u težim uvjetima - kako tehničke, tako i političke prirode.

No, pored teških uvjeta u kojima se nalaze, tvrde njihovi nadređeni, “svoje zadatke izvršavaju savjesno i u skladu s važećim mandatom i rezolucijom UN-a”. Za to su dobili i priznanja od mnogobrojnih međunarodnih vojnih i civilnih institucija, za koja napominju da se “ne dobijaju kurtoazno, već isključivo zahvaljujući postignutim rezultatima”.





Odabrana medicinska pomagala  
 Razni medicinski proizvodi i predmeti  
 koji se koriste za njegu oboljelih  
 Primamo Medicare, Medicaid i većinu  
 osiguranja

**BESPLATNA DOSTAVA LIJEKOVA NA VAŠU KUĆNU ADRESU**

**Vrijeme dostave lijekova:**

**Ponedjeljak-Petak 10A.M. - 6 P.M.**

**Mogućnost dogovora termina isporuke**

**Dostavljamo lijekove svim penzionerima u Atlanti**

**Tel: 678-790-2748**

PharmaLife  
 6330 Primrose Hill Ct, Suite 103  
 Norcross, Ga 30092  
 Ph: 678-790-2748

Radno vrijeme apoteke:  
 Ponedjeljak-Subota  
 9:30 A.M.-5:30 P.M.



**-I mnoštvo drugih nužnih potrepština za kućnu apoteku**



# BiH neće doživjeti sudbinu Jugoslavije

**K**ako političari vladaju Bosnom i Hercegovinom šireći strah od drugih nacija, zašto se oni koji su se do skora borili za ministarske fotelje sada odriču vlasti, da li je tačno da se u ovom trenutku u Bosni i Hercegovini ne zna ko je vlast a ko opozicija, da li će u predizbornoj kampanji, koja je već počela, političari nastojati da još više posvađaju narode u Bosni i Hercegovini kako bi se održali na vlasti, kako sadašnja garnitura političara blokira svako približavanje Bosne i Hercegovine Evropskoj uniji, zašto nema šanse da se Bosna i Hercegovina obračuna sa svojim Sanaderima i Miškovićima, zašto u Bosni i Hercegovini nema masovnih socijalnih protesta iako je pola miliona ljudi nezaposleno, a 700.000 živi ispod granice siromaštava, da li je bosanskohercegovačka kriza dostigla dno ili će ova zemlja i dalje propadati i zašto Bosna i Hercegovina ne može doživjeti sudbinu Jugoslavije.

Razgovor pripremio i vodio Omer Karabeg. Sagovornici su bili filozof Esad Bajtal i politikolog Mile Lasić, profesor Filozofskog fakuleta u Mostaru.

**Omer Karabeg: Da li se ovo, u čemu se danas Bosna i Hercegovina nalazi, može nazvati haosom?**

Esad Bajtal: Nazvali mi to haosom ili ne - haos je na sceni. To što se ovdje događa izmiče našem jeziku i mogućnosti formulacije. Ne možemo formulirati o čemu se radi i ne možemo dati opis haosa koji je na sceni. Ali to nije spontani haos. Ovdje je na sceni dobro smišljeni scenario iza koga stoje interesi onih koji vladaju javnom i političkom scenom Bosne i Hercegovine.

Mile Lasić: Mi živimo u demokraciji, a ne demokratiji. Svugdje gdje se upravlja pomoću straha od drugoga, imamo izvitoperene oblike demokracije - demokraciju.

Esad Bajtal: Strah je konstanta ovih vlasti još od devedesetih godina. Strahom je sve počelo, jer nema većeg straha od ratnog meteža, od ratne neizvjesnosti, od gladi i svega onoga što prati rat. Onda je to nastavljeno i poslije rata, samo drugim sredstvima. Složio bih se sa kolegom Lasićem da je ovo što mi imamo demokracija. Ja tome dodajem i prefiks, pa kažem anarhodemokracija, a to znači - radite šta hoćete, pričajte šta hoćete, samo nam ne dirajte u novac. U demokraciji ne postoje građani, već samo podanici kojima se vlada pomoću straha. Strah je sredstvo pripitomljavanja građana, odnosno podanika, njime se oni sprečavaju da ustanu u svoju samoodbranu. Zato u Bosni i Hercegovini nema građanske pobune.

**Omer Karabeg: Nedavno je londonski Economist svrstao Bosnu i Hercegovinu među 11 zemalja u svijetu u kojima postoji najveći rizik od socijalnih nemira. I ranije je bilo sličnih prognoza, ali u Bosni i Hercegovini, kao što kaže gospodin Bajtal, nema socijalne pobune, iako je pola miliona ljudi nezaposleno, a ogroman broj ljudi živi u ekstremnom siromaštvu. Kako to tumačite?**

Mile Lasić: Sustav je korumpirao ljude raznim malim pogodnostima. Imamo čitavu vojsku ljudi koji su kao neki branitelji, borci u Domovinskom ratu, osloboditelji, koji primaju 300 maraka mjesečno i boje se da i to ne izgube. Demokracije prave socijalnu državu niskog intenziteta na najnižoj mogućoj ravni, tek da se može kupiti kruha i da se mogu podmiriti osnovne obveze. Ako to funkcionira, podanici, koji su ideološki uhvaćeni u kandže etnokoncepcija, biće mirni. Ali nisu samo podanici u kandžama etnokoncepcija, u njima su i oni koje se predstavljaju kao alternativa. Oni sebe nazivaju multietničari, ali su u stvari privrženici etnokoncepta koji podrazumijeva vladanje teritorijom i držanje podanika u apsolutnoj pokornosti.

**Omer Karabeg: Da li u Bosni i Hercegovini i dalje važi ona logika: ima hljeba i ulja - dobro je, samo nek ne puca?**



Esad Bajtal: Vjerovatno ima i toga. Povijest nam pokazuje da siromaštvo i bijeda mogu beskrajno dugo da traju, a da se ljudi ne pobune. Ovdje vlada ogromna glad, 700.000 ljudi je ispod granice siromaštva, Bosna i Hercegovina je 13-ta najbijeđenija zemlja na svijetu, ovdje je najmanja kupovna moć u Evropi, pa ipak nema pobune. Zašto? Što je bijeda veća i nada je veća, tamo gdje raste nada, raste i mogućnost manipulaci-

# ANESA KAJTAZOVIC



# DEMOCRAT *for* CONGRESS

## Anesa Kajtazović kandidat za U.S. Kongres

Anesa Kajtazović trenutno obavlja dužnost kao član parlamenta u državi Iowa i do sada je najmlađi kandidat.

Ovo je prvi put u historiji Amerike da se osoba porijeklom iz BiH kandiduje za U.S. Kongres

## Anesa Kajtazović treba našu podršku

Svi Vi koji živite u Prvom distriktu u državi Iowa možete glasati za Anesu

A svi ostali mogu da je podrže finansijski.

Vaše donacije možete uplatiti na:

[www.anesaforcongress.com](http://www.anesaforcongress.com)

ili

poslati personalni ček:

"Anesa for Iowa",

PO Box 1913, Waterloo, IA 50704)

Ako pobjedi Anesa Kajtazović će biti prva žena iz Iowa-e, porijeklom iz BiH u U.S. Kongresu

i borit će se za našu bolju budućnost



## Anesa Kajtazovic State Representative



je. U to smo se uvjerali devedestih godina. Manipulacija je išla preko priča o zlatnim kašikama. Niko narodu tada nije obećavao hljeb, obećavali su mu zlatne kašike. Danas postoje narodne kuhinje, preko kojih se jednom broju ljudi obezbjeđuje minimum egzistencije. A ima li išta nenarodnije od narodne kuhinje? Ljudima koji su imali svoja tri obroka, dvije užine i plus kafanu navečer - sve je oduzeto, opljačkano i strpano u privatne političke džepove. Sada im se na kašičicu daje jedan obrok dnevno, ukoliko imaju sreće da dospiju na spisak narodne kuhinje. Pri tome se narodne kuhinje prikazuju kao dobrohotnost vlasti. Njihovim slikanjem po televiziji i novinama kao da se šalje poruka - evo, vidite kako smo mi dobri, da nije nas, vas bi davno nestalo, mi vas održavamo u životu.

Mile Lasić: U posljednjih nekoliko godina broj onih koji žive ispod granice pristojnog života i koji više ne mogu plaćati račune, niti sebi osigurati minimalne uvjete za život povećao se sa 17,5 na 23,5 posto, dakle svaki četvrti građanin ove zemlje je ispod granice siromaštva. Ako pogledate po autobusima, tramvajima, po ulicama, vidite i ljude koji crpe posljednje zalihe da bi koliko-toliko pristojno izgledali. To su oni koji su nekada pripadali srednjoj klasi, sada je to donja klasa, koja je zamijenila srednju klasu. Oni još uvek mogu plaćati račune i mogu za sebe reći da su pristojni građani. Na vrhu piramide su bogati pojedinci i biznismeni - uglavnom političari i oni koji su u sprezi s politikom - koji imaju desetine i desetine milijardi koje su stavili negdje na stranu. Došlo je do strašne polarizacije između bijede na jednoj strani i uskog sloja bogatih na drugoj strani.

**Omer Karabeg: Čini mi se da se političko ludilo najbolje ogleda u činjenici da se jedna jednostavna odluka Evropskog suda za ljudska prava, kojom se traži da svi građani,**

**bez obzira na nacionalnost, imaju jednaka prava da budi birani - ne može sprovesti, evo, već četiri godine. To je ona čuvena presuda u slučaju Sejdić-Finci.**

Mile Lasić: To bi se, kada bi se htjelo, moglo uraditi koliko sutra. Moraju se osigurati jednake šanse za te ljude koji se zovu ostali. Njih je po popisu, ako mu je vjerovati, 165.000. To su oni koji se nisu izjasnili kao pripadnici konstitutivnih naroda. U zemlji kakva je Bosna i Hercegovina, u kojoj se sve vrti oko nacije, treba dobro promisliti kako otvoriti proces pretvaranja etnosa u demos, ali ne tako što će jedna tobož multietnička stranka, koja uopšte nije multietnička, izuzev par funkcionera, brinuti i za Hrvate i Srbe. Hrvati i Srbi, da ostavim za trenutak Bošnjake po strani, ostaju zarobljeni u obzorima etnosa, ako im put ka demosu bude otvarao Zlatko Lagumdžija. Oni moraju imati svoje vlastite, građanski orijentirane, politički samosvjesne ljude, koji će se suprotstaviti dominantnim etničkim narativima i politikama unutar vlastitih nacija i od ove zemlje napraviti političku zajednicu. Ona je sada samo zbir etničkih zajednica.

Esad Bajtal: Da je Bosna i Hercegovina pravna država, ovaj problem ne bi ni postojao. Međutim, u ovakvoj državi, koja nije ni pravna, a ni država, jer je potpuno razgrađena u ime etnosa, entiteta, kantona i distrikta, problem Sejdić-Finci je ispolitiziran i potreban je vlastodržcima kao dežurni problem kojim će mahati i na osnovu koga će uporno, tobože ga rješavajući, godinama opstajati na vlasti koju nisu zaslužili.

**Omer Karabeg: Reklo bi se da su političari ili, kako ih gospodin Bajtal zove, vlastodržci već oдавно ušli u predizbornu kampanju, iako će izbori biti tek u oktobru ove godine. U Federaciji Bosne i Hercegovine tu kampanju karkteriše jedan zanimljiv fenomen. Naime, stranke koje su do sada bile na vlasti ili napuštaju vlast ili se, ako njihovi**



**Dodite i kupite sve na jednom mjestu  
UŠTEDITE I VRIJEME I NOVAC!**



**Clarkston Village Shopping Center  
926 Montreal Road  
Clarkston, GA 30021**

**926 Montreal Road, Clarkston, GA**

**404-296-6493**

**THRIFTOWN  
Clarkston Village**

*funkcioneri ostaju u ministarskim foteljama, ponašaju kao da nisu na vlasti, pa na sva usta kritikuju stanje u zemlji, kao da one za njega nisu odgovorne.*

Mile Lasić: U Federaciji se dogodilo nešto što se moralo dogoditi, obzirom na to kako je vlast formirana aprila 2011. godine. Oni koji su bili pobjednici, a danas kažu da nisu, odveli su u Sarajevo, kad je riječ o hrvatskim strankama, jednu grupu besprizornih ljudi koji nisu imali ništa drugo nego samo pohlepu i želju da budu dio vlasti i u tom smislu su bili idealni kunići za potkusurivanje i manipuliranje. Kada se u neka doba sadašnji predsjednik Federacije, gospodin Budimir, odlučio da pročitava šta piše u ustavu tog entiteta, koji predviđa ogromne ovlasti za predsjednika koje niko prije gospodina Budimira nije koristio, onda je on postao ogroman problem za vladajuću strukturu i sada sa tog broda, koji tone, bježe svi miševi. Samo SDP ne može da bježi, jer bi onda bilo posve očito koju su to katastrofu proizveli. Ono što ja, kao čovjek lijeve opcije, dakako socijaldemokratske, ne mogu prežaliti -



jeste da su ovi, koji su se bespravno pozivali na ideju socijal-demokracije, ne samo zadavili tu ideju u Republici Srpskoj i u Federaciji, nego su ubili i ideju alternative u ovoj zemlji. To je, zapravo, najgore što su učinili i to je neoprostivo, jer su sve stranke zarobljene u ideji etnokratskog i teritorijanog. Došlo je do užasa. Demokracija se rasporila kao ružan čir i zaudara, a mi smo u apsolutnom slobodnom padu, pri čemu izgleda nije lako dodirnuti dno u uvjetima demokracije, odnosno diktature.

*Omer Karabeg: Gospodine Bajtal, kako tumačite činjenicu da se oni koji su do sada bili na vlasti odriču vlasti, pa se sada u Federaciji više ne zna ko je vlast, a ko opozicija? Sve se pomiješalo.*

Esad Bajtal: Nije se to nikada ni znalo. Ovo što se sada događa nije ništa novo, a drugo - to raskrinkava cijelu priču koja traje već 20 godina i pokazuje da u ovoj zemlji, zapravo, imate samo kriminaliziranu politiku i politizirani kriminal. Zbog toga, i pored mnogobrojnih suđenja političarima različitih nivoa, a nekima i po nekoliko puta, sudovi nikada nisu izrekli nijednu kaznu. Zar je moguće da niko od njih nije kriv u situaciji kada je zemlja nokautirana i kada ljudi nemaju šta da jedu?

*Omer Karabeg: Mislite li da će u ovoj predizbornoj kampanji političari, da bi se zadržali na vlasti, još više posvađati narode u Bosni i Hercegovini?*

Mile Lasić: Mislim da će se ovi koji stvarno kontroliraju medije uzdržati od bezmilosnog međusobnog obračunavanja i objediniće se na jednome - da totalno zaustave kretanje Bosne i Hercegovine prema Europskoj uniji. Već se vidi da neće da provedu odluku Sejdić-Finci, ali - čak i da to urade, neće riješiti glavni problem, a to je izgradnja sustava koordinaci-

je, kako bi se prema svijetu govorilo jednim glasom. Braća rođena su se ujedinila da tu ne urade ništa, tako da Bosna i Hercegovina ne dođe u situaciju da podnese zahtjev za status kandidata za Europsku uniju. Oni ne žele europeizaciju. Oni ovako razmišljaju - šta će nam europeizacija ako ćemo završiti kao Sanader.

Esad Bajtal: Jedina korist od prljave predizborne kampanje kojoj idemo u susret, je što će na površinu isplivati dobro skrivane tajne. Oni sve znaju jedni o drugima. Znaju sve o svom vlastitom kriminalu, koji ide sve do ubistava. Budući da će mediji sve to pratiti, narod će konačno vidjeti s kim ima posla, pa će se možda jednog dana probuditi i shvatiti da se ni hrvatsvo, ni bošnjaštvo, ni srpstvo, ni pravoslavlje, ni islam,

# SVI FILMSKI ŽANROVI **EURO**

- Akcioni
  - Avantura
  - Biografija
  - Dječiji
  - Dokumentarni
  - Drama
  - Fantazija
  - Horor
  - Istorijski
  - Komediija
  - Misterija
  - Muzički
  - Naučna fantastika
  - Ratni
  - Ljubavni
  - Triler
  - Kaubojski itd.
- SA PREVODOM NA NAŠ JEZIK**

SERIJE >> SPORT >> ZABAVA >> MUZIKA

**EURO**  **TV**

1-877-747-6097

INFO@EUROPLUS.TV

ni katoličanstvo ne jedu, da se od toga ne živi i da naši problemi nisu ni hrvatski, ni bošnjački, ni srpski - nego naprosto ljudski. To su problemi običnog čovjeka, koji je sebi na vrat natovarivao ovu vlast koja mu ne dozvoljava da živi. Evropska unija je za nas misaona imenica koja polako nestaje sa našeg horizonta, jer ona podrazumijeva pravno uređeni sistem, a od toga se ovdje bježi. Ako ikada ovdje dođe, Evropska unija će dovesti pravnu državu, pa će svi doći na svoje mjesto onako kako su došli Mišković, Sanader i njima slični. Zbog toga će ovi koji su na vlasti učiniti sve da se pravna država ovdje nikad ne pojavi.

**Omer Karabeg: To znači da nema šanse da se u Bosni i Hercegovini dogode slučaji Mišković i Sanader?**

Mile Lasić: Ja to ne vidim u dogledno vrijeme. Stvorena je savršena etnoklerikalna kapitalistička država. Na čelu te piramide su etnokapitalističke i klerokapitalističke snage i one to neće dozvoliti. U Bosni i Hercegovini nije realno očekivati nikakvu promjenu zbog toga što je zbog višenacionalnog sastava zemlje uvijek moguće manipulirati nacionalnim osjećanjima baš onako kako je govorio kolega Bajtal. Najgore je što se ni na puškomet ne vidi bilo kakva politička alternativa. Nema više ni radničke klase, niti revolucionarnog subjekta, da to kažem pomalo zaboravljenim marksističkim riječnikom. Skupine nezadovoljnih građana, koje tu i tamo protestiraju, imaju ograničene domete. Nema nekoga ko bi u ime ideje pravde i pravičnosti i u ime međusobnog uvažavanja i zajedničke perspektive mogao organizirati zajedničke proteste koji bi srušili ovu vlast.

**Omer Karabeg: Šta bi još moralo da se dogodi u Bosni i Hercegovini pa da građani krenu u masovne proteste?**

Esad Bajtal: Elementarni uslov bi bio da se etnorazdruženi građani, odnosno podanici, združe. Tek tada bi kolektivni otpor bio moguć. Na žalost, podijeljenost po klero i etnolinijama, koja je dobro cementirana i dobro armirana, još uvijek odlično funkcioniše, jer vlastodršci vrlo dobro znaju kako se to radi. Svaki problem u Hrvatskoj i Srbiji, iz kojih uvijek dolaze negativne silnice za ovu zemlju, ovdje morate pomnožiti sa tri, jer ovdje imate tri etnosa i tri religije, a uopšte nema vjere. Ovdje vjera ne postoji, ovdje postoje religije koje tjeraju svoje interese, a ti su interesi u službi političkih interesa. Građani nemaju šanse da se udruže, jer ih stalno razdružuju političari i kler. Kakve su šanse da se izađe iz toga - ne znam, ali znam da vam govorim kao Bosanac, kao neko koga su bez njegove vlastite volje na ovom popisu pisali kao ostali i znam da sam u tom svojstvu nula u ovoj zemlji. Sam ne mogu ništa, a, ako bih nešto i pokušao, nemam ni s kim. Razbijenost je totalna. Čak i one snage koje se nominalno zovu lijevima, ili koje bi to trebale biti po vlastitim programima, izdale su svoju misiju, jer su sebični interesi, koji su isti i kod lijevih i kod desnih, učinili njihove ideološke razlike potpuno nebitnim. Pobjedio je pragmatizam. Ovde se samo pljačka, otima, vara i laže. To je problem iz koga ne vidim izlaz. Možda je izlaz negdje izvan Bosne i Hercegovine. Čini mi se da subjekt promjene ne stanuje ovdje. Promjenu bi mogla donijeti ona ista međunarodna zajednica, koja nam je dala ustav, koji je omogućio sve ove mahinacije i manipulacije. Ta bi zajednica konačno morala stati iza sebe same i vlastitih odluka i početi - ili provoditi Dejtonski sporazum do kraja ili ga promijeniti.

Mile Lasić: Stvarno ne znam šta bi moralo da se dogodi, pa da građani krenu u masovne socijalne proteste, ali sumnjam da u Bosni i Hercegovini uopće u značajnijoj mjeri po-

stoji građanstvo. Kada bi netko dobronamjeran htio pomoći ovoj zemlji ne bi podupirao kojekakve multikulturalno i interkulturalno sumnjive tipove koji su se svi pokazali kao nasilnici i silnici, kao što se radilo do sada. Novo interkulturalno građanstvo, o kojem ja govorim, mora biti utemeljeno u sve tri bosanskohercegovačke nacije i mora raditi na razvijanju nove političke kulture višestrukih identiteta, koja će dovesti do toga da se mi međusobno priznajemo takvim kakvim jesmo, te da nam je zajedno živjeti i urediti zemlju. Ali u ovoj zemlji vlada svaka kultura - i separatistička, i unitarna, i svaka druga, samo ne konsensualna. Bez ustavne reforme i međusobnog priznavanja i uvažavanja, ova zemlja se ne može pomaknuti naprijed i tu ništa ne pomaže jednokratna intervencija. Mi trebamo mentalnu, kulturološku i političku revoluciju kako bi se međusobno priznali, bez obzira šta smo radili jedni drugima u prošlosti. Moramo reći - ovo je naša zemlja i moramo je učiniti zajedničkom, gradeći je na osnovama otvorenog društva, višestrukog identiteta, prenijetoga ili djeljivog suvereniteta i višerazinskog upravljanja, a to je zapravo bit na kome počiva Evropska unija.

**Omer Karabeg: Da li je kriza dostigla svoje dno ili Bosna i Hercegovina može i dalje propadati?**

Esad Bajtal: Krize nemaju dna i to je poznato u povijesti. One mogu trajati beskrajno dugo jer, kao što sam rekao, nada raste zajedno sa bijedom, a sa nadom i manipulacija. Teško je očekivati da se dosegne dno. Zapravo dosegnuti dno - bila bi istinska sreća i jedini izlaz, pa da sve, poput feniksa, krene iz pepela. Ovako, kada je manipulacija dostigla vrhunac, kada je sve to zapleteno u nerazmrsivo klupko, teško je naći izlaz. Čini mi se da ovu našu situaciju najbolje odslkava aforizam koji glasi: "Pomozi bože ako te ima, a ako te nema - reci, pa da se više ne nadamo". Nama je ostalo još samo to. Našega međusobnog barbarstva će nas spasiti činjenica što je u BiH još uvijek prisutno par tisuća vojnika u okviru operacije EU Althea.

Mile Lasić: Ja mislim da Bosna i Hercegovina može i dalje propadati. Vjerojatno mora biti još gore da bi nam jednog dana bilo bolje. Ovo kako je sada podsjeća na onu situaciju koja je dovela do raspada Jugoslavije. Toga se mora biti svjestan i samo se nadam da do toga neće doći. Makedoniju je, u situaciji kada je Milošević izveo na ulice svoju soldatesku, spasilo to što su Amerikanci imali trideset promatrača na granici između Makedonije i Srbije. Jedino Makedonija nije bila izložena direktnom barbarstvu. Našega međusobnog barbarstva će nas spasiti činjenica što je u Bosni i Hercegovini još uvijek prisutno par tisuća vojnika u okviru operacije Evropske unije Althea, pa nećemo nasrtati jedni na druge. Kada bi se pitale samo političke elite i kada ne bi bilo stranaca u ovoj zemlji, vjerojatno bismo ubrzo završili u balvan revolucijama i u novim ratovima. Nadam se da to više nikada nećemo doživjeti, ali i da Bosna i Hercegovina neće ostati u zamrznutom konfliktu. Ovo sada je, zapravo, zamrznuti konflikt, u kome se samo rat vodi drugim sredstvima, a ta ludost sve nas vodi u siromaštvo, ne samo fizičko, nego i duhovno. Nadam se da će jedna od dobrih strana krize biti što ćemo voditi ovakve dijaloge i što će nam postati jasno da moramo tragati za kompleksnim rješenjima. Mi ne trebamo ulicu i jednostavna rješenja. Nikada se političkim revolucijama nisu rješavali problemi. Rješavali su se evolucijama. Mi sada trebamo političku evoluciju, mi trebamo europeizaciju domaćih političara, ali ovo nemate kome kazati. Sve ovo što je na sceni i što hoće ponovo da vlada - neće da se europeizira.

## PRODAJETE ILI KUPUJETE KUĆU?

Vi imate pitanja - ja imam odgovore

- Sa Vama od početka do kraja, u svim fazama kod prodaje ili kupovine kuće
- Ostvarenje i zaštita Vaših interesa je moj prioritet
- Idealno vrijeme za kupovinu kuće - vrlo niske cijene uz povoljne kamate
- Foreclosure \* HUD homes \* Prvi put kupci dobijaju Home Depot gift card
- Besplatne usluge notara i prevođenja potrebnih dokumenata



**metrobrowsers** **GMAC**  
 .com Real Estate

**DINO KRGO**  
 REALTOR

**678-429-4353**

**dkrgo@bellsouth.net**



## BONUS TRANSPORTATION, LLC



Zapošljavamo owner operatore !

- Commision 10%
- Sedmična isplata
- 24/7 dispečer na raspolaganju
- Saradujemo sa svim brokerima na prostorima Sjeverne Amerike
- Nudimo fuel cards, trailere, kvalitetan profesionalni dispatch

**616 322 5818**

**616 719 6064**

**bonustransllc@yahoo.com**



The **Klob**  
 Law Firm, LLC



7764-A HAMPTON PLACE  
 LOGANVILLE, GA 30052

**Nalazimo se u Hampton Place Plazi  
 (Preko puta McDonald's u Loganvillu)**

Invalidska penzija

Povrede na radnom mjestu

Auto udesi

Vojna penzija

Da li ste primili odbijenicu iz državne ustanove za invalidsku penziju?

Da li ste imali povredu na random mjestu?

Da li ste imali auto udes ili Vam treba pomoć advokata u vezi Vaše vojne penzije?

Dopustite da Vam advokat Tim Klob (komandant američke Armije) i njegova advokatska kancelarija pomognu i posvete Vašem slučaju pažnju koju zaslužujete!

Pozovite nas danas na **678-269-6526**  
 ili posjetite našu web stranicu **www.kloblawfirm.com**

Pozovite i zakažite Vašu  
 besplatnu konsultaciju!



Zastupamo našu zajednicu iskreno i sa pažnjom kroz mnogo godina iskustva.

# Spomenicima obilježena teritorija i podjele

**U**BiH ne postoji pravni okvir za izgradnju spomenika. Podjele, duboko ukorijenjene u složeni politički sistem BiH, s njenim entitetima, kantonima i opštinama, stvorile su situaciju u kojoj niko ne može tačno odgovoriti na pitanje ko gradi spomenike i da li oni odlikavaju istinu o sukobima devedesetih ili samo potpiruju etničke predrasude. Nezvanične procjene kažu da se na spomenike potrošilo stotine miliona eura.

„Različite države i etničke grupe koriste spomenike da bi predstavile svoju verziju događaja iz prošlosti. Vlade ih koriste da bi manipulirale historijom i osvojile političke pene - u BiH da bi produbili podjele, umjesto da promoviraju pomirenje“ - ovo se uz ostalo navodi u velikom regionalnom istraživanju koje je predstavila Balkanska istraživačka mreža BIRN.

“U stvari gotovo sve spomenike, osim nekih vrlo bizarnih, kao spomenik Brus Liju, nisam doživjela kao vjerske, koliko nacionalne. Sada se grade nacionalni identiteti i onda se iz tih naših etničkih sukoba iz devedesetih rađaju, sa jedne strane heroji, kojima se podižu spomenici, a sa druge strane ratni zločinci. Takva je percepcija ljudi. Nekad je to u istoj ulici, nekada u istom gradu. To sve se još uvijek odnosi i na II svetski rat i još uvek postoje pitanja da li je spomenik četničkom vojvodi iz II svetskog rata potrebno podići ili ne. Generalno, zaključak je da nema apsolutno nikakvog reda u tom haosu, a to znači da svako može sebi da dozvoli da počne da podiže spomenike kome god želi“, kaže regionalna direktorica BIRN-a Gordana Igrić.

U BiH je podignuto na stotine spomenika i spomen obilježja. Neki su regulisani - poput standardizovane spomen-

ploče u znak sjećanja na ljude ubijene tokom opsade Sarajeva. Mnoge su nezavisno finansirala udruženja porodica žrtava, udruženja veterana i privatni donatori. Iza ogromnog broja stoji politika.

„Politika izgradnje novih spomenika u razdoblju nakon rata u BiH odražava jedan kliše, koji je ovdje već postojao prije, tokom cijelog XX stoljeća, a to je da pobjednici istoriju počinju sa samim sobom. Za vrijeme Prve Jugoslavije, bilo je podignuto više od 200 spomenika dinastiji Karađorđevića. Mislim da je preživio samo jedan poslije II svjetskog rata. Nešto slično se dešava i danas sa spomenicima iz NOB-a. Do izražaja je došao novi umjetnički izraz, koji zapravo treba da simbolizira političku moć. Tako danas, kada putujete kroz BiH, kao da putujete kroz neki vremeplov, koji vam jasno pokazuje na kojoj teritoriji se nalazite“, ocjenjuje Dubaravko Lovrenović, dugogodišnji član Komisije za zaštitu nacionalnih spomenika.

## *Izvan sfere realnog*

Naravno, oni su važni zbog toga što se uz njih organiziraju komemoracije i ceremonije sjećanja, koje opet imaju zadatak da grade neki kolektivni identitet koji je za neko društvo i za neku zajednicu prihvatljiv. Naznake drugačijih narativa možemo prepoznati u pojedinačnim slučajevima. Možda to možemo reći za sarajevske ruže i za sarajevski tunel. Tu je možda neki drugačiji narativ i mogućnost da se svi identificiraju sa ovakvim simbolom“, smatra Amra Čusto, historičarka iz Zavoda za zaštitu kulturno-historijskog i prirodnog naslijeđa Kantona Sarajevo.

U BiH ne postoji pravni okvir za izgradnju spomenika. Podjele, duboko ukorijenjene u složeni politički sistem BiH, sa nje-



nim entitetima, kantonima i općinama, stvorile su situaciju u kojoj niko ne može tačno da kaže ko gradi spomenike i da li oni oslikavaju istinu o sukobima devedesetih ili samo potpiruju etničke predrasude.

S druge strane, kontinuirano propadaju ili se sa namjerom ruše spomenici antifašističke historije BiH, poput Partizanskog spomen groblja u Mostaru, arhitektonsko zdanje čuvenog Bogdana Bogdanovića, ili pak zgrade ZAVNOBIH-a u Mrkonjić Gradu.

„Do toga dolazi iz potpuno podijeljenih politika u BiH, nakon ovog rata, gdje mi zapravo imamo političare i ideologije koje su u velikoj mjeri nastavljači ili žele da prikažu kao opravdano ono što se događalo tokom rata, tako da te politike u BiH doprinose do podjela u procesu razvoja kulture sjećanja u BiH koja i dalje ostaje fragmentalna i nedorečena upravo zbog toga što nije podržana i pokrenuta od institucija“, konstatuje Branko Todorović iz Helsinškog odbora za ljudska prava u Republici Srpskoj.

„O zajedničkim spomenicima u ovom trenutku je zaista nemoguće govoriti jer je cijela poslijeratna politika podizanja spomenika, pa čak i tokom rata, bila zapravo usmjerena u potpuno drugom pravcu. To na žalost, bojim se da ostaje izvan sfere realnog. U ovom trenutku, perspektiva, što se tiče cijele ove teme o kojoj govorimo, za BiH nije nimalo ružičasta“, konstatira Dubravko Lovrenović.

Dozvolu za gradnju spomenika u Bosni i Hercegovini izdale su 143 opštine, mada su mnogi izgrađeni i bez prethodnog odobrenja. Ukupni troškovi izgradnje spomenika procjenjuju se na stotine miliona eura.



**tel > 1.773.525.4889**  
**fax > 1.773.435.6753**  
**e-mail > info@styletravelusa.com**  
**<4109 North Kedzie Ave, Chicago, IL 60618>**  
**NAJPOVOLJNIJE** karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!  
**Nudimo i usluge prevoda, popune i ovjere dokumenata.**



Nudimo i paket aranžmane za

- \* Mexico
- \* Caribbean
- \* Hawaii

**< www.styletravelusa.com >**



# Am Dent, Inc.



## Dental Care for Entire Family

### Dr. NAZNEEN S. DALWAI, DMD

- |                                  |                          |
|----------------------------------|--------------------------|
| * Cleaning and Gum Treatments    | * Dentures and Partial   |
| * Bleaching, Bonding and Veneers | * Bad Breath Treatment   |
| * Crowns and Bridges             | * Root Canal Treatment   |
| * Tooth Colored Fillings         | * Snoring Problem        |
| * Extractions                    | * Thumb Sucking Problem  |
| * One Hour Whitening (\$250)     | * Teeth Grinding Problem |



**Let us give you a winning smile!**

**Late Evening and Weekend Hours :: Phone 770.279.5000**

Most Insurances Accepted  
 Medicaid (uder 21) Peachcare  
 Major Credit Cards

**NOW OFFERING!** Ortho (Braces) Special - FREE Ortho Consultation  
 New Patient Special (Exam, X-Rays, Cleaning) - ONLY \$75  
**0% Financing up to 12 Months through Care Credit**

**www.drnazneendalwai.com :: 895 Indian Trail Road, Suite 11, Lilburn, GA 30047**

# Gračanica kao mali bosanski Milano

**U**vrijeme recesije i krize u Evropi i svijetu na sjeveroistoku Bosne i Hercegovine cvjeta poduzetništvo i biznis.

Gračanica, Gradačac, Tešanj, ali i ostali manji gradovi u ovom dijelu BiH slobodno se mogu nazvati poduzetničkim centrima u kojima djeluju uglavnom porodični biznisi.

Industrijske zone, veliki broj trgovačkih centara, malih i srednjih preduzeća, mali broj nezaposlenih osoba odlike su ovih malih gradova u kojima živi nekoliko hiljada stanovnika.

## Pozitivan primjer poduzetništva je svakako Gračanica.

Grad koji nikada nije imao velike socijalističke kombinacije razvijao se u Jugoslaviji, baš kao i poslije posljednjeg rata, zahvaljujući preduzetničkoj inicijativi lokalnog stanovništva.

Lokalni novinar Mirsad Čamdžić kaže da je Gračanica u bivšoj Jugoslaviji bila pod određenom agendom sredine koja se nije trebala razvijati, ali ta prešutna saglasnost komunističkih vlasti je brzo mobilizirala ljude u Gračanici koji su vrlo rano krenuli sa privatnim biznisom.

Zbog toga Gračanica danas ima slogan: "Od posla čaršija".

"U bivšoj Jugoslaviji Gračanica je bila treći grad po broju registriranih automobila u odnosu na broj stanovnika, kao i po velikom broju plastičarskih radnji", kazao je Čamdžić. Naime, poslije rata Gračanica je nastavila tim tempom.

"Možemo reći da u ovom gradu vlada politička i društvena harmonija u razvoju", pojasnio je Čamdžić i dodao da ovaj grad ima i nedostatak društvenog života zbog čega mladi ljudi odlazeći studirati u nekim većim gradovima, tamo i ostaju.

Dakle, kako kaže Čamdžić, Gračanica sve manje postaje izazov za mlade ljude.

"Gračanica ostaje grad biznisa i onaj ko prođe kroz gračaničku industrijsku zonu vidi da je to jedan mali bosanski

Milano", pojasnio je on.

Da je Gračanica po tradiciji poznato mjesto biznisa potvrdio je i općinski načelnik Nusret Helić.

"I u vrijeme komunizma biznis u Gračanici se smatrao normalnim", pojasnio je Helić i dodao da se u ovom gradu uglavnom radi o porodičnim firmama, manjem biznisu te malim i srednjim preduzećima bez giganata.

Na području ove općine danas ima oko 1.200 poduzetništava, više od 500 privrednih subjekata, radi se o malim i srednjim preduzećima, ali i više od 600-700 samostalnih zanatskih radnji.

"Mi smo domaćini i svim susretima privrednika kako onim iz domaćeg okruženja tako i stranih", ističe općinski načelnik i dodaje da u vrijeme recesije, ova općina ima firme u kojima raste broj zaposlenih.

"Kada je u pitanju broj zaposlenih, mi smo blizu prijernog broja, dakle oko 9.500 je zaposleno, a kada pogledate broj nezaposlenih u Zavodu za zapošljavanje onda se malo prepadnete", pojasnio je Helić.

Prema njegovim riječima, oko 8.000 osoba na području ove općine se vodi kao nezaposleno iako to nije stvarni rezultat nezaposlenih, jer su to uglavnom ljudi koji su negdje u biznisu, rade na crno, a tu su prijavljeni.

"Gračanica je sredina u kojoj je biznis broj jedan, grad u kojem je i lokalna vlast okrenuta biznisu", pojasnio je Helić.

On je, govoreći o prošloj godini, rekao da je većina privrednih subjekata uspješno poslovala, a porastao je i broj zaposlenih u odnosu na raniji period.

Helić je kazao i to da imaju veliki broj visokoobrazovanih nezaposlenih osoba, ali i da su u posljednje četiri godine obezbijedili volontiranje za te osobe.

Godišnje oko 100 ljudi obavi volonterski rad i na taj način im pokušavamo obezbijediti da lakše dođu do posla.

Jedna od gračaničkih firmi, koja ove godine obilježava 50. jubilej jeste firma za preradu drveta, proizvodnju i promet "Jadrina" u kojoj su radnici većinski vlasnici.

Direktor firme Ramiz Grapkić je rekao da je firma kroz protekli period bila jedna zanatska radionica, a kasnije postala članica Šipada.

"U ovoj firmi u Gračanici radi 270 radnika, a privatizovana je 2001. godine. U prvobitnoj varijanti radnici su bili 100 postotni vlasnici. Bilo ih je oko 500, a trenutno je oko 100 vlasnika firme", pojasnio je Grapkić.

"Jadrina" se uglavnom bavi proizvodnjom namještaja koji je namijenjen za inostrano tržište. Naime, firma 90 posto proizvoda plasira u inostranstvo.

"Najviše se prodaje u Njemačkoj, Švicarskoj, Holandiji, Austriji, Češkoj te zemljama bivše Jugoslavije. Dakle, prodaje se u cijeloj Evropi", pojasnio je Grapkić.



# Zia Travel

Independent Travel Agent  
Raziya Poric

6414 A. Hampton Ave, Suite 3  
St. Louis, MO 63109

314-638-7347

toll free 877-540-6729

cell 314-600-3265

ziatravelstl@yahoo.com



**VIRTUAL PROPERTIES REALTY**

**Osman "Cico" Vujinovic**

cell: 404-550-8054  
fax: 404-641-1831  
e-mail: osmanvu@gmail.com

**Specijalnosti:**  
bankovne kuće,  
foreclosure i HUD kuće

**\* SECURITY**  
**\* JANITORIAL SERVICES**

**NOW LEASING**

**Atkinson Arbors**

**Office Suites**

**\* GATED COMPLEX**  
**\* LOBBY & BREAK ROOM**

Starting at **\$250.00**

Up to **4,000 sq.ft.** available

**Call 770-317-7124**

**1530 Atkinson Road, Lawrenceville, GA 30043**

# Zašto je danas teže prestati pušiti nego prije 15 godina

**N**ivo nikotina u cigaretama porastao je između 1999. i 2011. godine za čak 15 posto, tvrdi se u studiji koju je objavio časopis *Nicotine and Tobacco Research*

Podaci su skupljeni iz godišnjih izvještaja koje su Odsjeku za javno zdravstvo u Massachusettsu dostavljala četiri velika proizvođača cigareta u periodu od 1997. do 2012. godine.

“Mladi lakše postaju ovisni o cigaretama nakon prvih par puta što su zapalili”, kazao je vodeći autor studije Thomas Land, direktor Ureda za informisanje o zdravstvu pri Ministarstvu zdravstva. “Svakog dana 3800 američkih tinejdžera proba svoju prvu cigareta, a od te brojke njih 1000 postanu pušači. Oni koji nisu u stanju prestati pušiti s vremenom, umrijet će, u prosjeku, 13 godina ranije od svojih vršnjaka, stoji u službenom izvješću Surgen Generala iz 2012. godine.”

Ovo istraživanje nije prvo koje ukazuje na porast nikotina u cigaretama. 2007. godine istraživanje na Harvardu otkrilo da je se nivo nikotina u cigaretama od 1997. do 2006. godine povećao za 11 posto. Nikotinska industrija tad je za porast okrivila nove poljoprivredne metode koje su dovele do veće koncentracije nikotina u duhanu.

Ali Land tvrdi da bismo, da je to u pitanju, “svjedočili istom trendu kod svih proizvođača, a ne samo četiri glavna, budući da svi kupuju duhan iz istih regija. A nismo”.



U studiji se donosi zaključak da je “nivo nikotina u cigaretama moguće kontrolisati te bi je trebale pratiti i regulisati Vladine agencije”.

# Ljudi žive dugo jer troše malo energije

**L**judi i ostali primati troše 50 posto manje kalorija tokom dana u odnosu na ostale sisare, što bi moglo da objasni zašto ljudi i ostali primati sporo odrastaju i žive duge živote, navodi se u istraživanju objavljenom u časopisu *Proceedings of the National Academy of Sciences*.

Istraživanje pokazuje i da primati u zoološkim vrtovima troše jednako energije kao i oni koji žive u divljini. To bi značilo da fizička aktivnost možda ima manji uticaj na dnevnu potrošnju energije nego što se često misli.

Većina sisara, poput naših kućnih ljubimaca pasa ili hrčaka, živi brzim tempom - odraslu životnu dob dostižu kroz nekoliko mjeseci, često se razmnožavaju (ako im dozvolimo) i umiru u tinejdžerskim godinama, ako ne i prije. Poređenja radi, ljudi i naši rođaci primati imaju dugo djetinjstvo, razmnožavaju se u nepravilnim vremenskim periodima i žive veoma duge živote. Usporeni tempo življenja kod primata dugo je intrigirao biologe, budući da nisu bili poznati mehanizmi koji su odgovorni za njega.

Međunarodni tim naučnika je sproveo istraživanje sa primatima u zoološkim vrtovima, skloništima i divljini, gdje su posmatrali dnevnu potrošnju energije kod 17 različitih vrsta. Dobijene rezultate su uporedili među istraživanim vrstama,

ali i sa podacima o potrošnji energije kod ostalih sisara.

Rezultati su iznenađujući - ljudi, čimpanze, pavijani i ostali primati troše samo polovinu kalorija dnevno od onog što bi se očekivalo za sisare.

Drugim riječima, piše Bilogija, čovjek bi (čak i ako vodi vrlo aktivan život) trebalo da trči maraton svaki dan, samo da bi se približio prosječnoj dnevnoj potrošnji energije koju troše sisari slične veličine.

Ovo dramatično smanjenje brzine metabolizma, koje prije nije bilo poznato kod primata, odgovorno je za sporiji tempo života. Svim organizmima energija je potrebna za rast i razvoj, a potrošnja energije također može da doprinese starenju.

Usporena stopa rasta, reprodukcije i starenja kod primata odgovara njihovoj sporij potrošnji energije što znači da je evolucija bila usmjerena na razvoj brzine metabolizma kako bi oblikovala sporiji život kod ove grupe.

Nije poznato zašto se ova osobina razvila kod ljudi i ostalih primata, ali naučnici smatraju da se odgovor možda krije u uslovima okoline u kojoj žive.

Budući da ljudi žive duže od ostalih primata i skladište više zaliha masti, istraživači nastavljaju svoja istraživanja u vezi sa temom dugovječnosti i metabolizma.

# Google izgubio tužbu vrijednu 125 miliona

**S**impleAir, kompanija koja je tužila Google, traži 125 miliona dolara na ime odštete zbog povrede patenta.

Nakon gubitka parnice o povredi patenta kompanije za licenciranje tehnologija SimpleAir, Google može biti kažnjen sa 125 miliona dolara. Predmet tužbe je patent Br. 7035914, koji pokriva "sistem i metode prenošenja podataka".

SimpleAir je izvorno tužio Google, rekavši da servisi Google Cloud Messaging i Android Cloud to Device Messaging krše patent. Google ove servise koristi za procesuiranje i slanje trenutnih notifikacija za mnoge popularne aplikacije, uključujući Twitter, Gmail i Facebook.

Google nije prva kompanija koju je SimpleAir doveo pred sud. Microsoft, Apple i Blackberry imaju ugovore o licencama s tom kompanijom. Iako je porota glasala u korist SimpleAira, nisu se mogli jednoglasno odlučiti o visini odštete koju Google mora platiti toj kompaniji, zbog čega će biti zakazano još jedno suđenje. SimpleAir se nada da će na ime štete dobiti 125 miliona dolara. Google je već tražio poništavanje sudskog postupka.

Iako 125 miliona dolara nije velika suma, poput one koju je Samsung morao platiti Appleu u njihovom sudskom sporu o patentima, Google nije spreman platiti je bez borbe.

Krajem novembra prošle godine sud u Sjedinjenim Američkim Državama je južnokorejskoj kompaniji Samsung Electronics naložio da američkoj firmi Apple plati 290 miliona dolara odštete za kršenje prava na patente.



Ta suma se dodaje odšteti od 600 miliona dolara, koja je određena ranije, prenijele su agencije. Nova suma je niža od 380 miliona dolara, koliko je američki Apple tražio, ali je, s druge strane, osjetno viša nego što je Samsung očekivao.

Iz južnokorejske kompanije su navodili kako je odgovarajuća suma 53 miliona dolara.

Odluka porote znači da Samsung američkom konkurentu, za kopiranje njegovih telefona i tableta, mora platiti ukupno blizu 900 miliona dolara.

To je manje nego što je u datom sporu odlučila prethodna porota, koja je naložila da Samsung za kršenje patentnih prava Appleu mora platiti 1,05 milijardi dolara.

## Prvi pad profita Samsunga u dvije godine

**J**užnokorejski elektronski gigant Samsung zabilježio je prvi kvartalni pad profita u posljednje dvije godine zbog isplate jednokratnog bonusa, jake nacionalne valuta vona i slabije prodaje pametnih telefona.

Profit iz poslovanja kompanije je u posljednjem prošlogodišnjem kvartalu iznosio 8.300 milijardi vona (blizu 5,7 milijardi eura), što je za 18 posto niže u odnosu na period july-septembar i za šest posto manji profit u odnosu na isti period 2012. godine, prenosi France-Press.

Neto profit Samsunga porastao je u četvrtom kvartalu 2013. godine za 3,7 posto na godišnjem nivou, ali je značajno usporio u odnosu na povećanje profita od 25,6 posto iz trećeg kvartala, jer dobri rezultati iz Samsungovog odjeljenja za čipove nisu uspjeli neutralizirati slabiju prodaju ključne serije Galaxy pametnih telefona.

### Niža zarada

"Usljed makroekonomske neizvjesnosti, kao što su snažan korejski von i povećanja zabrinutosti o potencijalnom

ukidanju programa kvantitativnog labavljenja u Sjedinjenim Američkim Državama, naša zarada je niža od očekivane", izjavio je šef Samsungovog odjeljenja za odnose s investitorima Robert Yi.

Prema njegovim riječima, najnoviji rezultati su posljedica "negativnog valutnog utjecaja" u visini od 700 milijardi vona (471 milion eura), kao i isplate jednokratnog bonusa jednom službeniku u iznosu od 800 milijardi vona (539 miliona eura).



# 100 godina Aston Martina: Od entuzijazma do ozbiljnog biznisa

**A**ko ćemo historiju Astona opisivati u njegovim počecima, možemo reći da se radilo o čistom entuzijazmu, no, u godinama koje su uslijedile, sve se to pretvorilo u ozbiljan biznis s posebnim automobilima.

Glavni krivci zašto Aston Martin danas proslavlja 100 godina postojanja su dva entuzijasta i pasionirana zaljubljenika u automobile, Lionel Martin i Robert Bamford. Oni su u predgrađu Londona, u jednoj "šupici" početkom 1913. godine osnovali automobilsku manofakturu, čiji moto je bio i ostao "luksuz i elegancija". Za samo dvije godine zajedničkog rada u maloj garaži ručno su "sklepali" njihov prvi automobil, koji je danas poznatiji pod nadimkom "Coal Scuttle". Ovaj pojam, koji u prevodu sa engleskog doslovno znači "kanta za ugaj", aludira na neobičan, kutijast dizajn njihovog automobila. Možda taj simpatični dvosjed, još simpatičnijeg imena i nije bio u skladu sa tadašnjim motom kompanije, ali je i kao takav udario kamen temeljac za Aston Martin. Za njegov pogon upotrebljen je četverocilindrični benzinski agregat "Coventry-Simplex", dok je kao osnova uzeta šasija italijanskog proizvođača "Isotta-Fraschini".

U trenutku kada budućnost Aston Martina počinje da visi o koncu, u priču ulazi bogati grof Louis Zborowski, kao veliki poštovalac automobilskih trka. Već 1922. godine Aston Martin proizvodi tri fabričke šasije za sportski automobil, koji nastupa na čuvenoj "French Grand Prix" trci. Do 1924. godine proizvedeno je 55 modela, kada preduzeće zapada u dugove i bankrotira. Aston Martin od propasti spašava bogata Lady Charnwood, koja preuzima kompaniju i daje ju na upravljanje svom sinu Johnu Bensonu. Ni Benson se ne snalazi u automobilskom biznisu. Fabrika se zatvara dvije godine poslije, kada iz nje definitivno odlazi i drugi osnivač Lionel Martin.

## Automobili za James Bonda

Nakon rata 1947. godine, fabrika ponovo mijenja vlasnika i preuzima je David Brown. Pod njegovim vođstvom rađa se jedna od najpoznatijih Aston Martinovih serija DB. Na krilima sve veće potražnje Aston Martin predstavlja DB5 i DB6 modele, sa kojima na velika vrata ulazi u svijet "Bond" automobila. Te 1964. godine Shon Connery (Šon Koneri) je u ulozu britanskog tajnog agenta Jamesa Bonda, sjeo za upravljač Aston Martina DB5 i vozio ga u akcijskim scenama planetarno popularnih filmova

U jeku svjetske ekonomske krize Aston Martin ponovo zapada u finansijsku "dubiozu" iz koje ga zajedničkim snagama pokušavaju izvući petrohemijski magnat Victor Gauntlett (Pace Patroleum) i Tim Hearley (CHI). Njih dvojica na ravne časti preuzimaju Aston Martin 1981. godine, nakon čega posvećuju više pažnje marketingu i vraćaju engleski brend

automobilskim trkama. Finansijska previranja na naftnom tržištu od Gauntletta su zahtijevala da se svakako dovija, da u nekoliko godina proda i nakon toga povрати svoj udio u Aston Martinu, kako bi obezbijedio novac za razvoj kompanije. Neki od ključnih poteza, koji je Gauntlett povukao u karijeri bili su kupovina udjela u dizajnerskoj kući Zagato, ali i povratak Jamesa Bonda za upravljač Aston Martina (1986. godine).

## Povećana produktivnost

Amerikanci ulažu veliki novac u modernizaciju proizvodnje, koja se do tada 100% bazirala na ručnom radu. Nova fabrika u Blohamu otvorena je 1994. godine, da bi godinu dana kasnije Aston Martin za 365 dana proizveo do tada rekordnih 700 automobila. Produktivnost se progresivno povećavala, pa je 1998. kupcima isporučeno dvije hiljade DB7 modela, a 2002. čak 6.000, čime je za samo jednu godinu premašena sva dotadašnja proizvodnja DB modela. Polovinom 1999. godine u ponudu se uvodi DB7 Vantage sa V12 agregatom, koji se 2001. našao i u novom Aston Martin Vanquishu.



Nakon 18 godina upravljanja Aston Martinom, Ford je 2007. godine bio primoran da za 575 miliona eura proda upravljački dio akcija konzorcijumu, koji su sačinjavali američki investicioni bankar John Singers i dvije kuvajtske kompanije, Investment Dar i Adeem Investment. Ford je zadržao udio u vrijednosti od 50 miliona eura. Novi vlasnici u opsežnoj marketinškoj kampanji predstavljaju Aston Martin tada najperspektivnijem svjetskom tržištu Kini i bilježe veliki uspjeh u startu. Polovinom 2007. godine prestaje proizvodnja u tvornici Newport Pagnell i sve se prebacuje u Gaydon.

Početkom 2010. godine sa traka tvornice u Grazu silazi prva moderna Aston Martinova limuzina Rapid, čija prodaja nije opravdala očekivanja čelnih ljudi kompanije, koji najavljuju preseljenje proizvodnje Rapida u Gaydon. U međuvremenu su predstavljani temeljno osvježeni ili potpuno novi modeli poput V8 Vantage, DB9, V12 Vantage, Vanquish, te limitirane serije poput One 77 ili V12 Zagato. Mada prvi čovjek Aston Martina, dr Ulrich Bez, tvrdi da je britanska kompanija danas stabilna i da ima obezbijeđen novac za dugoročna ulaganja, svako malo pojavi se informacija kako je neko od "velikih igrača" zainteresovan za kupovinu udjela u Aston Martinu, koji je uprkos svim nedaćama uspješno opstao već punih 100 godina.



**GLEDAJTE TV KANALE NA IPHONE/IPOD/IPAD BESPLATNO!**



**BESPLATNO NA APP STORE "FASTV"**

**www.FASTV.com • 1-866-639-8911**

# Olde Salem Apartments

**CALL FOR SPECIAL OFFERS\***

- \*2 Bedroom Apartment Homes
- \*Total Electric
- \*Free Water
- \*Pool & Clubhouse
- \*W/D Connections
- \*Ceiling Fans, Mini Blinds & Drapes
- \*Large Patios/Balconies



**NO APPLICATION FEE!\*\***

**Za sve informacije na našem jeziku obratite se Nermini. Tel: 770-963-7057**

**345 Stone Mountain St. - Lawrenceville, GA 30045**

Directions: I-85 North to 316 towards Lawrenceville/Athens. Exit GA 120 East & turn right. Go about 1 mile to Langley Dr. & turn right. Turn right at Constitution & turn right onto Stone Mountain St. We are on the left.

\*Prices & Specials Subject to Change.\*\*With Approved Credit.

# “Američka prevara” apsolutni favorit na ovogodišnjem Oskaru

**D**odjela statua biće održana 2. marta, a glavni favoriti su filmovi *American Hustle* i *12 Years a Slave*...

Spisak nominacija, o kojima se danima spekuliše, konačno je objavljen, a na njemu gotovo da nema iznenađenja, niti neočekivanih imena. Najzanimljivije kategorije svakako su one za najbolji film i glavne glumce, a iako su najviše, po 10 nominacija dobili i *Gravitacija* i *Američka prevara*, posljednji film češći je predmet analiza.

Reditelj spomenutog filma, David O. Russell, ne samo da je stvorio još jedan hit, već je i najizgledniji dobitnik kipića za najbolji film i režiju, a Christian Bale, Amy Adams, Bradley Cooper i Jennifer Lawrence nominirani su u sve četiri glumačke kategorije.

Prošle je godine postigao sličan uspjeh kad je romantična komedija *U dobru i zlu* bila nominirana u čak 8 kategorija te je osigurala Jennifer Lawrence Oscara za najbolju glavnu žensku ulogu. Dvije godine ranije i sportska biografska drama *Boksač* osvojila je visokih 7 nominacija, a kipiće su kući ponijeli Christian Bale i Melissa Leo (najbolji glumci u sporednim ulogama).

Portal LATimes daje zaključak kako je David O. Russell trenutno jedan od najpoželjnijih reditelja u Hollywoodu, a može li konačno i on osvojiti Oscar (ovo mu je četvrta nominacija) te potvrditi ovaj status ostaje da se vidi uskoro.

U kategoriji najboljeg filma bore se i spomenuta *Gravitacija* te 12 godina ropstva koji su već briljirali na raznim filmskim dodjelama ove sezone (*Zlatni globus*, nagrade *Critics' Choice*), a tu su i *Kapetan Phillips*, *Dallas Buyers Club*, *Nebraska*, *Ona*, *Philomena* i *Vuk s Wall Streeta*.

Od zanimljivosti još valja izdvojiti da ako 84-godišnja June Squibb (*Nebraska*) osvoji nagradu za najbolju sporednu glumicu, bit će najstarija osoba koja je kući ponijela zlatni kipić.

Ukoliko u toj kategoriji pobijedi 23-godišnja Jennifer Lawrence, ući će u istoriju kao najmlađa ženska osoba koja je osvojila dva Oscara te prva glumica nakon legendarne Katharine Hepburn koja će kući ponijeti kipić dvije godine zaredom.

Kao gubitnici, odnosno nedovoljno prepoznati glumci ove se godine spominju Tom Hanks (*Kapetan Phillips*), Robert Redford (*Sve je izgubljeno*), Emma Thompson (*Kako je spašen gospodin Banks*), Oprah Winfrey (*Batler*) te Paul Greengrass za režiju *Kapetana Phillipsa*.



## Al'Dino: Arduana se ne zabrinjava zbog žena, belaj bi nastao da sam okružen muškarcima

*Da li je u stvaralačkom smislu zamorno uvijek biti nov i originalan, a opet biti prepoznatljiv?*

- Nije zamorno ako se baviš umjetnošću i želiš uvijek iskreno da se izraziš i da daš ljudima ono što najbolje znaš i što u tom momentu osjećaš. S druge strane ako isključivo slijediš tržište i njegove beskrupulozne zahtjeve i želje za novim, želeći samo da zasitiš nezasiću potrošačku masu, onda imaš problem stresa i neizvjesnosti jer ulaziš u vode novca, interesa i kapitalizma a tu nema mjesta za emocije i dušu. Tako i nastaje šund i instant muzika bez kvaliteta i duše. Ja to ne mogu. Pokušao sam davno na nagovor tadašnjih kvazi stručnjaka ali sam shvatio da je to put u zabludu kao i ostalom sve u životu gdje je samo novac cilj.

*Sve češće te zovu kraljem balada. Koliko ti to imponuje?*

- Ne bih bio iskren kada bih rekao da mi to ne laska. Jednostavno želim da pravim pjesme koje će me nadživjeti i to je istinski cilj svakog ko se želi baviti umjetnošću prvenstveno a ne samo estradom.

Sam pišeš muziku i tekstove. Kako nastaju tvoje pjesme i gdje ih najčešće pišeš?

- Telefon mi je pun zabilješki jer me ideje "opale" bilo gdje ili bilo kada..."Kopriva" je nastala recimo za 27. noć ramazana, a pjesma "I sad me po tebi poznaju" u samoposluzi. Pjevušio sam je sve do kuće da ne zaboravim melodiju i tekst...

*Pisao si i za mnoge kolege. Da li u regionu vlada još uvijek veliki interes za tvoje pjesme?*

- Tamo uvijek vlada interes za sve što je iz Bosne jer je ostalo kao pravilo da su Bosanci nadareni i ljudi koji izvoze dušu regionu i svijetu. Svejedno je da li je to film ili muzika ili književnost ali manipulacije i informativne blokade još postoje na kojim se vlasti i tamo i ovamo održavaju i pokušavaju nam ograničiti kretanje i kontakte. Ostala je i dalje politika mentalnog ugnjetavanja iz nekih centara moći koji su uspjeli ubijediti Bosance da su niža rasa i da ništa ne vrijede tako da kao hipnotisani u trenutku zaboravimo da je i Kusturica još uvijek naš, i Sidran i Dino Merlin, Indexi, Čola, Brega, Meša Selimović i Andrić, Danis Tanović pa i Al Dino i "Kopriva", Rahmetli Sajo, Zaim, Himzo... Problem je što smo nasjeli na to, Slovenci su nas ubijedili da nemamo mlijeka pa nam uvoze Alpsko, "izganjali" nam bezvizni režim, (što bi ionako dobili), da im ne tražimo štednju građana u Ljubljanskoj banci ili Hrvatska nam prodaje vodu, a mi ko "janjci" blejimo pa "blehnuli" u sisate "mješalice" uz koje slavimo Bajrame, Božiće....

*Kako gledaš na činjenicu da su srbijanski pjevači svako malo pa u Bosni, a naši u Srbiji rijetko ili ih i nema?*

- Tržište Srbije je otvoreno za nas, i Hrvatska se polako otvara ali kako da nas neko zove tamo kada vide da mi u svojoj sopstvenoj zemlji ne vrijedimo niti pišljiva boba. Čak

i o onim najvećima nemamo riječi hvale, nego im samo pronalazimo mahane. Kako da nas neko plati ili cijeni kada vide našu poziciju u Bosni. Odavde mora krenuti kampanja koje nema i koja ne postoji. Mi čekamo da nam američke produkcije urade i filmove o Srebrenici i srede politiku i da u svijet pošalju istinu o Bosni. A mi ćemo sjediti na minderima i brojati siću za koju smo se prodali. Više niko ne smatra Sarajevo bitnim gradom osim kad je filmski festival. Bosanska estrada i ne postoji, mi nikad nismo niti imali sastanak nekog udruženja pjevača i autora. Ima neko udruženje gdje su se par diletanata "utrпали" i sami sebe izabrali a nemaju ni "strofe" a kamoli pjesme. Mora se nešto promijeniti pod hitno, jer se bojim da ćemo ovako prije nestati nego kad smo bili u ratu. Ova je bitka mnogo perfidnija i sofisticiranija. Pogađa u srce svakog poštenog čovjeka u ono najvrijednije a to je kreativna snaga koju posjedujemo u najvećoj mjeri. "Kopriva" je tako bila samo u nizu bestsela koje pravimo stotinama godina.

*Čini se da si jedan od rijetkih pjevača koji ima svoje mišljenje i stav i ne libi se da ga kaže i pred širokim auditorijem?*

- Volim ljude sa stavom pa makar se ne slagao s njim. Treba hodati uspravno i uzdignute glave, ali uslov je da nemaš oraha u džepu. Mnogi bi danas to bili ali su primili orahe u džep i sad moraju da šute i poginju glave. Žao mi ih je što su nasjeli jer

bi voljeli da nisu ali je sada kasno. Mirno spavam i mogu reći bilo gdje šta mislim i da me niko ne povuče za rukav. Ja sam sin svog oca Mehe i unuk Zaim-bega i Muharem-age koji su tako časno živjeli i ostavili mi to u amanet.

*Dosad si uspio karijeru graditi bez tračeva i skandala. Je li to teško kad gledamo kako se drugi "prepucajavu" i kako ih kolege ogovaraju?*

- U nedostatku osnovnih predispozicija za bavljenje muzikom a to je talenat, dar, sluh i izgled, nekima je potrebno ono za šta se i ne moraš roditi. To je skandal i trač kao dodatni pokušaj da se u agoniji skrene pažnja na sebe. Pravi umjetnici to ne moraju raditi jer je dovoljno kad naprave pjesmu ili djelo koje svojom snagom i vrijednošću "pomete" te pjesmuljke i pjevačice ko metlom. Skandali bi me samo svrstali među takve mediokritete.

*Kako gledaš na one koji svojim, najčešće vulgarnim i besmislenim tekstovima, na šta se narod nažalost pali, žele napraviti karijeru?*

- To sam već rekao maloprije, to ide uz žutilo svega, uz tu štampu, uz taj intelektualni vakum, uz te glavonje u džipovima, uz ovu smijuriju od političara, uz tajkunizaciju društva. Pa šta ste očekivali da će žena koja je do juče radila na šipki ili štrafti propjevati verdijeve arije? Kao što postoji kineska jeftina roba tako postoji i jeftina muzika za stoku (raju) ali eto nije kineska.



Bakir Tiro:

# Džumhurov uspjeh je senzacionalan

**M**ladi bosansko-hercegovački teniser, Damir Džumhur, postigao je neočekivan rezultat na prvom ovogodišnjem Grand slamu turniru - Australia open. Kao jedini kvalifikant i sa ubjedljivo najnižim rejtingom, obreo se među 32 najbolja svjetska igrača. Bio je to povod za razgovor sa Bakikom Tirom, jednim od najpućenijih i najuticajnijih sportskih novinara u BiH

Damir Džumhur je ostvario senzacionalan rezultat na Australia openu koji niko nije očekivao, a kako je izjavio, nije ni on sam. Zadao je svojevrsnu zadaću svim svjetskim teniserima kako doći do senzacije i uspjeha, što je svakako, kada dođete među 32 najbolja igrača na prvom grand slamu sezone, bez ikakve pomoći države.

*Bosansko-hercegovački ljubitelji sporta, tenisa posebno, su se nekoliko jutara zorom budili ili sa radošću nisu spavali, ali su dočekali i ostvarili svoj san. Za sve je kriv mladi Damir Džumhur.*

Tiro: Damir Džumhur je ostvario senzacionalan rezultat na Australia openu koji niko nije očekivao, a kako je izjavio, nije ni on sam. Zadao je svojevrsnu zadaću svim svjetskim teniserima kako doći do senzacije i uspjeha, što je svakako, kada dođete među 32 najbolja igrača na prvom grand slamu sezone, bez ikakve pomoći države.

*Odigrao je tri kola kvalifikacija, poslije toga u paklu Melburna došao među tih 32 najboljih. Biti 188. na ATP listi, među 32 najboljih, je zaista senzacija.*

Tiro: Da, zaista senzacija, pogotovo pobjeda nad Dodićem. Ovih dana smo mogli pročitati u pojedinim hrvatskim medijima da je to nezaslužena pobjeda. Ne, to je pobjeda čista kao suza. Damir je igrao u istim uslovima kao i Ivan Dodig, koji se nažalost povrijedio, ali i da se nije povrijedio, Damir je preuzeo kontrolu nad tim mečom i uvjeren sam, da i nije bilo povrede, Damir bi eliminirao Dodiga iz daljeg toka takmičenja.

Meč sa Bedrychom je bio svojevrsan teniski spektakl za sve nas u BiH. Bedrych je sedmi igrač svijeta. I tu je Damir pružio dostojanstven otpor. Vrućine, umor, pa i neiskusstvo, su sigurno uticali na njega, ali vrijeme je pred njim. Zaradio

je određenu svotu novca i možemo očekivati dobre rezultate.

*Zanima me da li si ti kao iskusni sportski novinar očekivao ovako nešto? Istina, Damir je već osvajao desetak manjih turnira, bio najbolji evropski junior 2010. godine. Igrao za Davis cup reprezentaciju. Pokazao je izvanredan talent, ali onda je došlo do malog zastoja u karijeri.*

Tiro: Ovakav rezultat nisam očekivao. Očekivao sam da jednog dana može proći dva protivnika u kvalifikacijama, ali da će doći do trećeg kola prvog grand slama sezone, to zaista nisam očekivao, mada nikada nisam sumnjao u njegov talent i sposobnosti.

Ali, talent je jedno, ali ulaganje u talenta je nešto drugo. Od finansija sve kreće, a Damir je sa oskudnim finansijskim sredstvima napredovao. Kao što su ovih dana izjavljivali njegov otac i majka, skoro sve je na njihovim plećima bilo, da bi napravio uspjeh. I sada je, na Australia openu, spavao kod prijatelja, a ne u hotelu, kao ostali vrhunski igrači koja su se plasirali među 32 najbolja. To dovoljno govori o kakvom podvigu se radi.

*Znam kako je u svim sportovima kritičan prelaz iz juniorskog uzrasta u seniorsku konkurenciju, ali kod nas se čini još bolnijim, što pokazuje i Damir, ali on nije sam. Mesud Pezer, evropski juniorski prvak u bacanju kugle, je pred novu godinu otišao, možda i zauvijek, pošto ovdje nema apsolutno nikakvih uslova za razvoj.*

Tiro: Ne postoji sistem, ne postoji jedna država. Ako u jednoj godini Vijeće ministara da nešto malo više od 700.000 maraka ukupno za sve sportiste i saveze, onda je bolje da nisu dali ništa, pogotovo što su i taj novac, koji su dužni da podijele na državnom nivou nekim svojim aršinima, davali neselektivno.

*Upravo je tu i moja dilema. Da li je u pitanju nedostatak novca ili i nedostatak još koječega, što jedno normalno društvo mora imati, kako bi osiguralo razvoj ove djelatnosti?*

Tiro: Talent imamo, interesovanje za sport imamo. Sve preduslove imamo, dok ne dođe do onog najvažnijeg - državnog sistema i finansiranja tih talenata. U trenutku prelaska iz kadeta u juniore, a pogotovo iz juniora u seniore, bitan je finansijski podstrek i sistem. A toga nema kod nas. Kod nas je sve improvizacija.

Najbolji je primjer Džumhur. Njegov otac je i trener i finansijer i savez. Teniski savez je sad uselio u oskudne prostorije u trošnoj Zetri, a do decembra prošle godine nisu imali ni prostrije. Tužno je ući u te prostorije, gdje jedan čovjek, direk-

tor Teniskog saveza, pokušava nešto sam napraviti, ali bori se sa vjetrojakačama. Ima obećanja. Prošle godine je trebao dobiti od FBiH 10.000 KM. Odluka je potpisana, ali novac još nije došao.

*Ove godine će i naša fudbalska selekcija igrati na svjetskom prvenstvu i to je također veliki uspjeh koji je iznenadio ukupnu svjetsku javnost. Praktično smo došli niotkud.*

Tiro: Tačno, iznenadili smo svjetsku javnost, ali ja pratim tu reprezentaciju 17 godina. Skoro pa sam bio na svakoj gostujućoj utakmici. Mene uspjeh nije iznenadio jer je sazrelo vrijeme u timu. U Savezu još nije. U Savezu još uvijek ima puno posla. Promijenilo se i stvari idu na bolje, ali ima još puno posla da bi oni postali normalno ustrojen savez.

Imamo snažan tim, gdje su igrači dosta zreli i igraju u jakim evropskim klubovima. Za vrhunski svjetski rezultat nam fali četiri – pet igrača, ali za ovo što smo napravili u ovakvoj grupi, treba biti realan nešto lakšoj grupi, je apsolutno uspjeh, ali za mene ne i iznenađenje. Čak i grupa na SP nam daje za pravo, sa ovim kvalitetom i selektorom Sušićem, koji je ustrojio dosta toga u posljednje dvije godine, da se nadamo da prođemo u drugi krug. Mada je i sam plasman velika stvar u tmurnim danima svakodnevnice. Opet će se ljudi u ovoj godini, barem dok se ne završi SP, radovati SP i pričaće se o tome, pa bar ako ništa, zaboravit će sve probleme koji nas susreću svake godine.

*I košarkaši su dobro igrali na EP. Očekivanja na predstojećim kvalifikacijama za svjetsko prvenstvo su također velika, inače se ne bi razmišljalo o jednom Dušku Ivanoviću kao selektoru. Znači da se radi o jednoj respektabilnoj i perspektivnoj selekciji.*

Tiro: Da, ali i taj Savez egzistira jedva, u iznajmljenim prostorijama. Činjenica je, da kada nema para, reprezentativac Nihad Đedović posudi novac za put u Sloveniju. Improvizacija generalnog sekretara. Nismo imali novac da zadržimo Aleksandra Petrovića, koji je napravio rezultat. Država to nije prepoznala. Država nije podržala Savez. Kanton Sarajevo je jedini, koji je u nekom normalnom i pristojnom obimu, podržao reprezentaciju uoči EP. I to je svojevrsno čudo da su oni uopšte ostvarili tri pobjede na tom prvenstvu. Bili su tako blizu, a tako daleko.

U predstojećem periodu i dolaskom ovog selektora do-

lazi do određene konsolidacije u Savezu, ali, bez sistema i pomoći države je to teško. Svugdje država pomaže svojim savezima i sportistima, osim ovdje. U našem najbližem okruženju, Hrvatskoj i Srbiji, to je drastično izraženo u milionima maraka, dok ova država da nešto malo preko 700.000 maraka. To je jedan non sens.

*Uvijek razmišljam mogu li ovakvi primjeri, kao što je Džumhur, Pezer, fudbaleri, košarkaši, Mekić ili Larisa Cerić usmjeriti razmišljanja ovih bukovih glava, kreatora sportske politike, u pozitivnom pravcu ili ćemo i dalje živjeti i u sportu uživati isključivo zahvaljujući incidentima?*

Tiro: Teško da će u političkim glavama doći do promjene u razmišljanju glede sporta. Svi će se oni slikati sa igračima i selektorom uoči odlaska na SP, praviti sebi reklame, pogotovo što je izborna godina. Međutim, ne vjerujem da će doći do poboljšanja sistema. Sistem se ipak gradi godinama. Možda ih malo razdrma pa da pomognu u malo većoj mje-



ri i da preusmjere budžete, kada ih budu pravili, ali sve će se nastaviti klikovima talenata i ljudi koji imaju dodira i sa vanjskim svijetom. Rijetki su oni sportisti koji ovdje grade svoje karijere, pa da naprave značajniji svjetski rezultat. I u fudbalskoj reprezentaciji su to igrači koji su većinom vani. I Damir Džumhur je za to primjer, kao i Pezer. Sama činjenica da su oni ostavljeni na cjedilu od svoje zemlje, mi ne daje nadu da će se to skoro promijeniti. Nada je da će se pojaviti neki sponzori koji će ih podržati, ako već države neće. U toj mjeri je nada, ali što se tiče politike, teško.

# Kupus

*Sirovi i kiseli kupus sprečava avitaminozu, liječi sluznicu probavnih organa te štiti od raka dojke.*

**B**udući da se ljekovitim svojstvima kupusa, premda su i znanstveno potvrđena, ne koristimo dovoljno, evo podsjetnika na neka od njih:

Sirovi i kiseli kupus sprečava avitaminozu, liječi sluznicu probavnih organa te štiti od raka dojke. Obilje mineralnih tvari i kalija potiče izlučivanje vode te liječi bolesti nastale poremećenom izmjenom tvari (giht i reumu), a sumpor kupusu daje anti-septično djelovanje. I kupus i blagi rasol pomažu kod kroničnog zatvora.



Svježi i zdravi listovi koriste se za obloge. Treba ih oprati, osušiti, ukloniti zadebljane dijelove, omekšati te prije stavljanja na bolno mjesto malo zagrijati. Listovi se učvrste zavojem. Oblozi pomažu kod bronhitisa i astme (treba ih držati preko noći), apscesa, čireva, dermatosa, rana, opekline, uboda kukaca te modrica. Prije stavljanja obloga ranu ili čir očistite blagim alkoholom ili čajem od kamilice. Oblozi se stavljaju i na područje trbuha kod različitih bolova, upala i proljeva. Korisni su i kod upale maternice i preobilnih menstruacija.

Svježi sok kupusa pomaže kod bronhitisa (s medom), bolesti crijeva, čira na želucu, probavnih tegoba, kašlja, promuklosti, mamurluka, slabokrvnosti... Sok djeluje samo ako je svjež. Dobijemo ga tako da kupus (500 g) očistimo, naribamo, malo posolimo i stavimo da odstoji. Masu ocijedimo kroz dvostruku gazu i dodamo malo limunova soka. Uzima se između obroka.

Kiseli kupus treba jesti nekuhan. Kuhanjem gubi veći dio ljekovite mliječne kiseline te može izazvati plinove i grčeve. Kiseli kupus obiluje kalcijem. Nekuhan, odličan je i protiv avitaminoza; kod krvarenja sluznice i kože te kod opće slabosti treba ga jesti svaki dan. Ljekovitiji je ako se pri kiseljenju doda lišće vinove loze, grožđe, kriške dunje i jabuka, kukuruz, kumin i komorač te malo soli.

Samo u kiselom kupusu prisutan je i vitamin U, blagotvoran kod čira na želucu.

Kiseli kupus, ima izuzetna ljekovita svojstva poput:

- osvježava duh i djeluje na dobro raspoloženje, zahvaljujući boljem iskorištavanju bjelančevina
- organizam čini otpornim na stres
- aktivira izmjenu tvari u mozgu i živcima
- potiče izmjenu željeza u krvi
- pomaže stvaranju crvenih krvnih zrnaca
- stimulira rad stanica i djeluje pomlađujuće
- pomaže kod izgradnje kostiju
- regulira i smanjuje količinu masnih tvari i holesterola u krvi, a isto tako i potiče metabolizam masnih stanica
- jača imunitet i povećava snagu mišića
- doprinosi obnavljanju istrošenog vezivnog tkiva.

## Liječenje biljem - Salata od kupusa

Izuzetno ljekovit recept, posebno za reguliranje metabolizma i smanjenje masnih tvari i kolesterola u krvi.

Sastojci za 2 osobe:

- 250 g kiselog kupusa
- 1 jabuka srednje veličine
- 2 velike žlice grožđica ili brusnica (ili pola/pola)
- 1 velika žlica maslinovog (ili bučinog) ulja

Priprema:

Jabuku (zajedno sa korom) naribajte na ribež i pomiješajte sa kupusom. Dodajte grožđice (ili brusnice), kašiku ulja i lagano



izmiješajte. Na kraju posipajte sa malo brusnica i grožđica za dekoraciju. Izuzetno kvalitetna i zdrava salata, malo neobičnog okusa, ali prija!

# Kupus dijeta

Kupus dijeta je jedna od najpopularnijih dijeta na našim prostorima (a i šire). Karakteriše je jednostavnost u pripremi i efikasnost u rezultatima. U većini slučajeva organizam dobro reaguje čak i ako se ova dijeta sprovodi par dana i tada možemo da govorimo da se radi o blagom čišćenju organizma.

## *Kako pripremiti kupus dijetu:*

Skuhati supu od:

5 velikih glavica luka

2 zelene paprike

1 ili 2 konzerve cijelog paradajza (ili 1 - 2 veća svježa paradajza ili 2 dl kuhanog paradajza - domaćeg ili kupovnog)

1 svežnja celera

1 velika glavica kupusa

1 kašika sljedećih žitarica i mahunarki: sočivo, pšenica, ječam i suvi grašak

Posoliti, pobiberiti, staviti peršun i po želji može i ljute papričice. Zaliti vodom da ogrezne i kuhati dok povrće ne omekša.

## *Kako se upotrebljava kupus dijeta:*

Ova supa se može jesti kad god osjećate glad i koliko god želite.

Neki pobornici dijete sa kupus supom kažu: ŠTO VIŠE JEDEŠ VIŠE ĆEŠ DA SMRŠAŠ. Uz ovu supu može još da se jede sljedeće:

Prvi dan

Svo voće osim banana. Lubenice i dinje imaju najmanje kalorija od ostalog voća. Dakle, jede se samo supa i voće.

Za piće može nezaslađen čaj, nezaslađena crna kafa i/ili voda.

Drugi dan

Svo povrće - količina nije ograničena - bitno da niste gladni. Pokušajte da jedete lisnato povrće, a izbjegavajte boraniju, grašak, kukuruz itd. Za večeru može veliki pečeni krompir na maslacu. NE JEDITE VOĆE. Ne zaboravite da jedete i supu. Minimum jednom dnevno.

Treći dan

Jedite supu, voće i povrće koliko želite. NEMOJTE JESTI PEČENI KROMPIR.

Ako ste se pridržavala gornjih uputstava za ovih tri dana trebalo bi da ste 2 - 3 kg lakši.

Četvrti dan

Pojedite do 3 banane u toku dana, supu, i pijte nemasno mlijeko koliko želite. Banane imaju puno kalorija i ugljenih-hidrata, a takođe i mlijeko. SUPA I DALJE OBAVEZNA

Peti dan

Govedina i paradajz. Možete pojesti 300-600 grama govedine i do 6 paradajza. Pokušajte da popijete 6-8 čaša vode u toku dana u cilju ispiranja viška mokraćne kiseline iz organizma. OBAVEZNO BAR 1 TANJIR SUPE!

Šesti dan

Govedina i povrće. Možete da jedete koliko želite govedine i povrća. Naravno i SUPU

Sedmi dan

Integralni pirinač i povrće. Pijte nezaslađen voćni sok. Možete da jedete koliko hoćete pirinča i povrća. Obavezno SUPU.

Na kraju sedmog dana, ako ste se pridržavali uputstva izgubićete 4,5-7 kilograma. Ako ste izgubili više od 7 kilograma, pazirajte sa dijetom dva dana pre nego počnete ponovo ispočetka. Ova sedmodnevna kupus dijeta može se koristiti onoliko dugo koliko želite. Osećaj lakoće i dodatne energije dobar je razlog da se proba sa ovom dijetom.

**OVAN** (21.03 - 20.04)

Budite realni i ne zanosite se, barem ne ovih dana. Aktivnosti svedite na razumnu mjeru, odmarajte se i družite se s ugodnim osobama. Imunitet je slab, a sklonost prehladama očigledna.

**BIK** (21.04 - 20.05)

Ljudi iz vašeg okruženja misle da se čudno ponašate. Partner se slaže s time i smatra da ste bezrazložno neugodni i selektivni. Iako vam pokušava ukazati na pogreške, u tome neće uspjeti.

**BLIZANCI** (21.05 - 20.06)

Kontrolirate svoju senzualnost. Potiskujete napetost u životu jer nailazite na izvjesna emotivna ograničenja. Nije ni čudo kad ste preosjetljivi i kad s partnerom komunicirate na neodgovarajući način.

**RAK** (21.06 - 20.07)

I dalje ste u top formi, barem kada je posao u pitanju. Svjesni ste ciljeva i ne odustajete od realizacije. Ono što vam posebno paše je osjećaj da sve možete raditi slobodno.

**LAV** (21.07 - 21.08)

Vašu pažnju privlače ukućani i dom. Razmišljate o tome kako poboljšati uvjete života. Hoćete li napraviti veliko pospremanje ili kupiti novi namještaj - još uvijek se ne zna.

**DJEVICA** (22.08 - 22.09)

Sve gledate iz idealističko-perfekcionističkog ugla. To neizbježno dovodi do razočaranja jer situacija nikad nije tako ružičasta. Morate uložiti daleko veći napor i biti spremni na odricanja.

**VAGA** (23.09 - 22.10)

Ovih dana Vage su zaokupljene poslom i zdravljem. Ukoliko se pojavi problem u obliku bolesti, ne preuveličavajte ga, već poduzmite nešto konkretno. Hipohondrični stav neće vam pomoći.

**ŠKORPIJA** (23.10 - 22.11)

Moguće su teškoće prilikom uspostavljanja kontakata. Niste u stanju objasniti neke svoje ideje i postupke. Važno je shvatiti da problemi dolaze isključivo s vaše strane. Situacija može biti pomalo mučna.

**STRIJELAC** (23.11 - 20.12)

Činite sve da na pravi način budete kreativni. To se prije svega odnosi na umjetnički orijentirane pripadnike znaka. Osjećate snažnu privlačnost prema nekome. Situacija je specifična.

**JARAC** (21.12 - 19.01)

Paše vam boemska atmosfera i spontanost. Želite se opustiti i uživati, te izbjeći osobe koje bi samo promatrale i ogovarale. Zato ćete pokušati pronaći društvo u kojem ćete se osjećati ugodno.

**VODOLIJA** (20.01 - 18.02)

Planirate nekuda otputovati i odmoriti se. Putovanje će vam pomoći da se opustite i zaboravite na probleme koje ste imali u prethodnom razdoblju. Mala nepažnja imala je velike posljedice.

**RIBE** (19.02 - 20.03)

Do izražaja dolazi vaša prgavost. Nemojte se začuditi ako se osjećate kao žrtva nasilja. Za takvo ste stanje, zbog svog prkosnog stava, sami krivi. Uspjeh ćete nesumnjivo postići, ali ne s lakoćom.

## Mala riznica velikih misli



*Leonardo da Vinci* (1452 - 1519)

Praksa uvijek mora biti građena na dobroj osnovi.



*Winston Churchill* (1874 - 1966)

Evo odgovora koji ću dati predsjedniku Rooseveltu... Dajte nam alat, a mi ćemo dovršiti posao.



*Ivan Cankar* (1876 - 1916)

Čovjek stavlja svoj potpis na svaki predmet koji dodirne.



*Buda* (560 - 480 p.n.e.)

Ne vjerujte zato što tako kaže neki stari spis, ne vjerujte ni zato što je takva vjera vašeg naroda, vjera kojoj su vas učili od djetinjstva; već o svakoj stvari dobro razmislite. I vidite li da je na dobro drugima, vjerujte u tu stvar, živite je i pomozite drugima da je žive.



*Mahatma Gandhi* (1869 - 1948)

Nijedna se zemlja nije nikad uzdigla a da nije bila pročišćena u ognju patnji.

## Anoniman, a ima više hitova od Madonne i Jacksona!

Nikada nije u prvom planu, ne daje previše intervjuja i njegovo je ime potpuno nepoznato većini fanova njegove muzike, ali ovaj čovjek jedan je od najvećih hitmakera proteklih 20 godina.

Njegovo je ime Max Martin i upravo je on čovjek iza nekih od najvećih pop hitova od devedesetih naovamo. Kad karijeri zatreba malo "pogonskog goriva", Backstreet Boysi, Britney Spears, Kelly Clarkson, Taylor Swift, Pink, Adam Lambert,

Katy Perry, Celine Dion, Bon Jovi, Justin Bieber i mnogi drugi zovu upravo njega.

Samostalno je stvorio više hitova nego Michael Jackson i Madonna zajedno. Ukratko, Max Martin je najpoznatiji anonimac na svijetu.

Njegovo pravo ime je Martin Karl Sandberg, a uprkos nevjerojatnom katalogu, nikada nije bio velika zvijezda u rodnoj Švedskoj. Da stvar bude apsurdnija, zaslužan je za milijarde klikova, ali njegov vlastiti bend 'It's Alive' na YouTubeu ima nešto preko 7000 pogleda.

Dovoljan je samo jedan pogled na njegov rad i bit će vam jasno o čemu je riječ.

- Katy Perry: "I Kissed a Girl", "Teenage Dream", "California Girls", "Roar", "Dark Horse"

- Britney Spears: "Oops!... I Did It Again", "Stronger", "...Baby One More Time", "Till The World Ends"

- Backstreet Boys: "Quit Playing Games With My Heart", "I Want It That Way", "Larger Than Life", "As Long As You Love Me", "Shape of my Heart"

- Kelly Clarkson: "Since You've Been Gone", "My Life Would Suck Without You"

- N'Sync: "Tearin' Up My Heart", "It's Gonna Be Me", "I Want You Back"

- Taylor Swift: "We Are Never Ever Getting Back Together", "I Knew You Were Trouble", "22"

Danas je težak oko 250 miliona dolara, ali i dalje tvrdi da se samo zabavlja.

- Kada bih pjesme doživljavao kao posao ili samo kao način da zaradim, ne bih više bio relevantan - rekao je Martin koji je nedavno osvojio šestu ASCAP-jevu nagradu za kompozitora godine (riječ je o pjesmi "Roar" Katy Perry).



## Moje tijelo treba mnogo discipline

*Slavna Dženifer Lopez (Jennifer) uvijek izgleda sjajno, a iz kuće ne izlazi a da se bar malo ne dotjera. U novom broju magazina "Glamour", na čijoj je i naslovnici, otkrila je kako za tijelo poput njenog treba veoma mnogo discipline.*

- Kada ne vježbam, ne osjećam se dobro. Nekima je ugodno samo sjediti i pojesti cijelu porciju sladoleda, meni je od toga zlo! Naučila sam da, ako mi nešto ne odgovara, ne moram trpjeti - poručila je Dženifer, prenosi "Daily Mail".

Četrdesetčetverogodišnja majka blizanaca u vezi je sa 18 godina mlađim Kasperom Smartom (Casperom). To je sigurno podmlađuje, ali je za njeno tijelo zaslužan strogi fitness režim.



# su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

2	6	9	3	1	4	8	7	5
7	1	3	5	8	6	9	4	2
4	5	8	9	7	2	6	1	3
6	7	1	4	5	9	2	3	8
9	2	4	7	3	8	1	5	6
3	8	5	2	6	1	4	9	7
1	9	7	6	2	3	5	8	4
8	3	2	1	4	5	7	6	9
5	4	6	8	9	7	3	2	1

3	8							
5	7			8				
	6		2		5			
2			7			3		
6		7				4		1
		1			3			5
			9		8		5	
				7			6	3
							4	9

## PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:

Europa Magazine (pretplata), P.O. Box 867, Lawrenceville, GA 30046-0867

E-mail: [redakcija@europamagazine.info](mailto:redakcija@europamagazine.info). Telefon: 678.743.5731.

**KUPON ZA PRETPLATU**  
**12 MJESECI - \$48.00**

NAČIN PLAĆANJA: [ ] ČEK ILI MONEY ORDER  
[ ] VISA ILI MASTER CARD

IME I PREZIME: \_\_\_\_\_ TELEFON: \_\_\_\_\_ - \_\_\_\_\_ - \_\_\_\_\_

ADRESA: \_\_\_\_\_

GRAD, DRŽAVA, ZIP: \_\_\_\_\_

BROJ KREDITNE KARTICE: \_\_\_\_\_

ISTIČE: \_\_\_\_/\_\_\_\_/\_\_\_\_ POTPIS: \_\_\_\_\_

E-mail: [redakcija@europamagazine.info](mailto:redakcija@europamagazine.info) • Tel: 678.743.5731

Europa Magazine (pretplata) • P.O. Box 867 • Lawrenceville, GA 30046-0867

# DIK BROWNE HOGAR STRAŠNI



◇  
Sreli se pile i crv u Crnoj Gori, te crv reče piletu:

"Đe si sokole, nijesam te vidio trista godina!"

Na to će pile: "A đe si ti, zmijo ljuta!"

◇  
Žena stoji gola pred ogledalom u spavaćoj sobi.

- Osjećam se debelo i ružno...

Okreće se prema suprugu.

- Daj mi kompliment...

Suprug će:

- Vid ti je savršen...

◇  
Bik i lav sjede za šankom i piju. Lavu zazvoni mobilitel. "Da, draga, dolazim", odgovara lav i brzo popije svoje piće i sprema se otići.

Na to će bik: "I ti si mi neki lav. Da mene zove žena, ja bih je poslao ma znaš gdje i nastavio bih dalje piti s prijateljima."

"Da", odgovara lav, "no, među nama je bitna razlika. Moja je žena lavica, tvoja je krava."

◇  
Nije lako biti žena, bilo gdje na svijetu. Pametna, lijepa i ambiciozna: Druge žene te mrze. Muškarci te se plaše. Lijene misle da ćeš im uzeti radno mjesto. Ako imaš novaca - ili si sponzoruša ili si ljubavnica.

Ako sama zarađuješ - glupa si. Ako puno troliš - rasipnica si.

Ako imas dugačak jezik - kučka si.

Ako šutiš - mutava si.

Ako se dotjeruješ - imaš nekog drugog.

Ako se ne dotjeruješ - zamijenit će te drugom koja se dotjeruje.

Ako imaš muške prijatelje - ili su ti momci ili ljubavnici.

Ako si neudata - nešto ti fali.

Ako si udata - budala si.

Ako si ipak udata - zašto nemaš karijeru?

Ako imaš karijeru - zašto nisi udata?

Kad se udaš - kad ćeš roditi?

Kad rodiš - kad ćeš roditi drugo dijete?

Kad rodiš dvoje - ti ništa ne radiš? Pa zar nisi imala nekakvu karijeru?!

◇

VICERVI

**MALI OGLASI**

Europa magazin Vam nudi besplatne privatne male oglase do 20 riječi.

Popunite kupon sa ove stranice i pošaljite ga na adresu:

Europa Magazine  
(mali oglasi)  
P.O. Box 867  
Lawrenceville, GA 30046

ili na e-mail adresu:  
redakcija@europamagazine.info

**Prodaja**

Prodajem kuću na sprat 117m2 u Novom Travniku, centar grada. Mali poslovni prostor. Cijena po dogovoru. Tel: 01149 703 123 5002

Prodajem stan: Podlugovi, zgrada željeznička stanica, papiri 1/1, 54m2, potrebna adaptacija. Tel: 206-769-4447

Prodajem zemljište, površina 5000 m2, sa kućom i pomoćnom zgradom, koje se nalazi pored puta Banovići-Živinice, mjesto Donja Višća. Tel: 713-773-1098 ili 011387-65-344-458

Prodajem stanove od 40m2 do 53m2 u Banja Luci-Novakovići,

nova gradnja sa terasom, blindo vrata. Tel: 616-970-6504.  
E-mail: enkozdz@yahoo.com

Prodajem dva dvosobna stana u Sarajevu: Grbavica 52m2 i Hrasnica 42m2. Zemljište 5000m2/Blatnica-Mostar. E-mail: susac@rogers.com

Prodajem stan u Zenici. Cijena po dogovoru. Tel: 314-664 -8919

Prodajem kuću, predgrađe Sarajeva, 140m2, telefon, struja, voda, 4 duluma zemlje sa 108 voćaka. Tel: 011381 64 886 2544

Prodajem nedovršenu vikendicu na Vlašiću sa svim urednim papirima. Tel: 678-313-9914

Prodajem trosoban stan 83m2, III sprat u Lukavcu, novi dio grada. Namjestena kuhinja, blindirana vrata i jos mnogo toga. Tel: 904-514-2133

Prodajem renoviran stan u Zavidovićima kod bolnice, 76,5m2. Montaža. Cijena 60,000.00km. Tel: 904-739-0424

Prodajem kuću sa stvarima u Dvorovima površine 56m2 sa 2 duluma okućnice i voćnjakom. Kuća ima gradjevinsku dozvolu za eventualnu dogradnju. Tel: 619-913-7914 ili 858-558-0664

Prodajem kuću, Krajišina, Stolac. Nova gradnja, dvospratna, 1 dulum i 225m2. Papiri 1/1. Tel: 260-482-

8013 ili 260-445-6093

Izdajem trosoban stan, Lawrenceville. Tel: 678 793 5400

Izdajem dvosoban stan sa dva kupatila na predivnoj lokaciji South County-St. Louis, MO 63125  
Tel: 314 532 3066

**Razno**

Divorced man 50,5'10", 200lb, black-gray hair, black eyes, non-smoker, looking for woman.

E-mail: vatroslavkvadratic@yahoo.com

Žena 60. godina, živi u Njemačkoj, željela bi da upoznamuškarcu radi druženja i mogućeg braka. Tel: 01149 703 123 6738, Anka.

Prodajem kamion VOLVO 670 2003-950.000 milja, nove gume, hladnjak i mijenjač. Cijena \$12.000  
Tel: 404-660-8229

Čuvala bih djecu u mojoj kući u Grayson-u. Tel: 678 333 6493

Bezbjedno čuvanje Vaše djece. Tel: 404 819 3419

Traži se žena za čišćenje kuća. Fleksibilni sati. Mogućnost dobre zarade. Sve informacije na telefon: 404-547-7017

**KUPON ZA BESPLATNE MALE OGLASE DO 20 RIJEČI**

Tekst oglasa (popunite čitko štampanim slovima):

---



---



---

Dužina trajanja oglasa (zaokružiti): 1 MJESEC - 2 MJESECA - 3 MJESECA -

Europa Magazine (mali oglasi) • P.O. Box 867 • Lawrenceville, GA 30046  
E-mail: [redakcija@europamagazine.info](mailto:redakcija@europamagazine.info) • Tel: 678.743.5731

*Impressum*

Europa Magazine  
ISSN 1939-3423  
Address: P.O. Box 867  
Lawrenceville, Georgia 30046-0867  
United States of America  
Phone: +1 (678) 743 5731

**Europa**

E-mail: [editor@europamagazine.info](mailto:editor@europamagazine.info)  
[www.europamagazine.info](http://www.europamagazine.info)

Issued: monthly

Editor-in-chief: Haris Delalić  
Senior Photographer and Graphic Design Manager: Dan Dalibor Spalat  
Graphic Design: Aldin Ajanovic,  
Internet Presentation: Damir Setkic  
Freelance writer Europe: Milan Pekić  
Community: Enes Selimović  
Marketing manager: Dino Krgo



Pridružite se velikoj i sretnoj porodici  
naših gledatelja, kontaktirajte

*Jedna jedina*  
**BosnaTV**  
bosnatv.com  
USA/Kanada 1.800.771.0790

 **FASTV**  
www.fastv.com  
1-866-639-8911

# EMC CARGO

[WWW.EMCCARGO.COM](http://WWW.EMCCARGO.COM)




 **\$1.290**

**AUTOMOBIL**

 **\$1.390**

**SUV/VAN**

 **\$690**

**MOTOR**

 **\$790**

**JET SKI/ATV**

 **\$99**

**PAKET**

 **od \$100**

**NAMJEŠTAJ**  
(po komadu)

## **SELIDBE USA-BOSNA**

**KONTEJNERI 20'ST I 40'HC - DOOR TO DOOR**

\* IZVOZ AUTOMOBILA, MOTORA, JEDRILICA,  
ČAMACA, SKUTERA, SLANJE PAKETA

\* BOSNA I HERCEGOVINA, HRVATSKA, SLOVENIJA,  
SRBIJA, CRNA GORA, KOSOVO I OSTALE EVROPSKE ZEMLJE

**Tel: 1-866-877-7271**